

溫
州
經
籍
志

溫州經籍志外編卷上

瑞安 孫詒讓 編

宋

謝氏靈運

永嘉記

樂史太平寰宇記一百一

佚

太平寰宇記一百一建州浦城縣謝靈運永嘉記云有二浦一曰柘浦
水源出於建安吳興縣

案謝太守靈運沈約宋書七十七萬厯溫州府志治行傳並有
傳永嘉記隋唐以來史志書目並未著錄太平寰宇記所引與
白孔六帖六引永嘉郡記柘林水出建安吳興縣文同或卽鄭
記樂史誤題謝名然康樂著述宏富且雅愛永嘉山水所著遊
名山記諸書亦多述永嘉山川勝蹟或實有斯記亦未可臆決

隋唐古籍百不存一疑以傳疑仍存其目爲吾鄉地志弁冕焉

鄭氏

緝之

永嘉郡記

太平御覽經史圖書綱目。雍正浙江通志二百五十二乾隆溫州府志二十七記並作志誤

闕

永嘉郡記者劉宋鄭緝之所撰也時則距太寧郡府之開未盈百祀
紬元初山川之記奄稗甘州鄭君以澹雅之才斐然有作吾鄉圖牒斯
其權輿雖復陸任地理之鈔佚而無攷隋唐經籍之志闕而未錄然而
劉玄靖之箋世說徵系謀於琅邪賈高陽之輯農術紀意簡於竹箭詎
古辨物咸資取證是則南北之際傳播殊廣凡在閭閻靡不綜涉故知
援據之衆頗由于紀述之淵雅矣天水以後傳帙既亡地學之儒甄錄
尙眾或偶永嘉地記或偶永嘉記記亦作志斯竝文偶媚易誼相通段
楊署任情討覈匪要其栢林水一條樂史所引又顯謝靈運永嘉記尋
檢它書悉無茲目今案謝公以景平踐阼永嘉作守覽陟無閒文藻斯

盛赤石翫勝帆海標其高詠地肺擅幽名山著其遊志若此遺文每同
斯記則空黃所述不爲無徵或二君竝時各坐簪製或三寫成誤繆顯
甲乙未可知也鄭君述造頗多而名德弗曜沈書李史姓字蓋闕惟隋
志有孝子傳十卷唐志作孝子傳讚云宋員外郎鄭緝之撰官秩所至略可攷
見唐志又載其東陽記一卷然則其爲二郡作記或由游宦所至抑卽
箸籍在茲編索俄空尤難臆定已今讀其書敘載翔實雖復散佚之餘
劣存百一而肇典午之渡江遷彭城之膺錄舊聞隊記猶見辜較揚推
厥善可得而言原蠶之禁箸于周官荐再之訓徵諸爾雅自舍人述注
沾二虫之形丁度撰韻畧蛇醫之字異文寢孳左諛蓋寡而此記永嘉
八蠶厥有蛭珍岐海方言旣遠符于經誼迫人代語復廣證于字書其
善一也樂成故縣肇建金行劉昫唐書別爲城字曩讀李李吉甫元和郡縣圖志舊
寫本及孫氏星衍校本並作城聚珍板本則已改作成矣樂樂史太平輿地之帙杜杜佑通典舊馬

馬端臨通攷輿地攷通類之書昌黎路應之碑襄陽永嘉之什竝相符合輒有然疑而此記佚文亦多同劉氏斯知成城兩通未容專固例之冤句侯國不能執太史而庾班書胸忍縣名固難信徐鉉而疑闕記寧康方州之籍雖云無徵開運詔定之編蓋知非誤孤文未蝕足讎舊史其善二也甌維古國因水箸偁商漚周歐主名無改而桑鄺古笈未詳漸水之東黃齋今經靡究漢亭之蹟縣古茫昧津逮罕聞里俗承謠采聲罔實遂以枯谿之支委淪甌江之專名亦若漢經大別繆仞翼際之山涉絕河東猥引贊皇之水沿流忘原誤莫甚焉此記則云甌水出永嘉山行三十餘里去郡城五里入江觴原旣顯流別斯分砭俗匡違厥益邳鉅其善三也鴈蕩靈嶽雄峙南戒斤竹越嶺蓋知康樂之已窺玉清伐材迺騰沈括之妄說而匱儒耳學競相附和卽有疑難未得折衷此記有云樂城縣三京亭是祖送行人之所其地卽今之照膽谿是也斯則載道

所出無殊九達之趙神秀蚤彰迺在六朝以上夢谿之延不言可喻其
善四也至于里聚廢遷陵谷迭改誦訓失官履絢無紀漸岑千里終迷
西隗之峯神鼎九回久沈硯谿之后多藉茲編略識名阯徒以櫟見羣
籍艱于得覽俗記剽竄譌妄百端國朝姚安陶珽蓋嘗略采一二羣
箸說郭此非陶宗儀元本余于同年生黃巖王君蜆處見汲古閣寫本
說郭七十卷乃未經增改者內無永嘉郡記則爲陶珽所增無
疑其所輯謬誤數條既不該葡又不既未富于鉤甄亦罔詳于萌牴偶
注曲處謫妄甚多今亦不復葡校
沙攷覽輒爲歎息爰竭謏聞重爲苦輯目誦所及攬摭略葡雖指有得
申證頗眾所采之書以宋元以前爲斷至明以後書惟據顧祖禹讀史
方輿紀要錄帆游山一條以它書別無所見宛谿精博必有依
據且王象之輿地紀勝其時尚有完本宛谿所引或曲彼書也至於凡
郡縣地志及流俗類書展轉神販悉不足憑文句異同亦不復校
五十餘條定箸爲一卷放東陽記也吾郡文獻宋廖圖記悠繆詒讓嘗
事學校刊厥舛悟觀得舊經用資參檢而宋元諸志隄隊遂等于邱墳
齊梁以前閭閻迺同于巢燧補闕拾遺僅此舛牘輒璧零璣彌足珍貴

屠維大兪校集粗竟臧區十載重為理董聊付殺青詒之方來庶幾神
帆仙石句絕代之殊聞蠓嶼魚倉葡職方之典錄云爾光緒四年歲陽
在箸雍陰在攝提格厲皋之月望日甲子瑞安孫詒讓書於江甯之瞻

園

章宗源隋經籍志考證史部地理類永嘉記卷八鄭緝之撰不箸錄初學記地部

鄭緝之永嘉記曰懷化縣有蔣公湖父老傳云先代有祭祀祈請者湖

輒下大魚與之交部硯溪一源中多石硯北堂書鈔藝文部同藝文類聚山部有

柘林水有梧桐水有桃枝水並引永嘉郡記不箸撰名

案鄭氏永嘉郡記宋以後久佚余從世說注諸書輯其逸文為

一卷記中所載山川鄉亭最為詳悉今多不得其地如潯山上

有大湖太平御覽西隗山東接安固西接松陽初學記八甌水出永

寧山司馬貞史記索隱二十五○案甌水疑即今柑谿舊府縣志並以永嘉江為甌江非也永嘉江乃惡谿下流原出處

州與此柘林水出建安吳興縣梧桐水出松陽桃枝水出東陽

異派也長山縣桃林之下並見自孔青田溪發源太湖御覽一百九十一廬嶼有

廬隈初學記八樂城縣三州府江有三洲對岸有浦名為菰子御覽九百

七十硯谿初學記二十一深湖溪御覽九百沐谿野去青田九里初學記三

十樂成新谿口有蠓嶼御覽九百君鄣山御覽七百樂城縣石

堂水口御覽五百永寧南漢賈思總齊民要術五固陶村有小山御覽九

七安固老山上同並足餽補地志之缺附識之以諗後之精於輿

地者

又案諸書所引永嘉郡記書名頗多省易有稱永嘉記者齊民

二藝文類聚八十六虞世南北堂書鈔一百三十八初學記七

史記索隱二十五崔龜圖北戶錄注上白孔六帖九十四太平

御覽六十五太平寰宇記九十九吳淑事類賦二十七葉廷珪

梅錄碎事二十二嘉定赤城志三十九無名氏錦繡萬花谷後

五十以所引之文互相校覈實卽一書今附列於此用祛疑誤
至通志府志作永嘉郡志則諸書所引悉無此偶不知何所據
也

唐

無名氏永嘉圖經

太平御覽經史圖書綱目

佚

陸羽茶經一永嘉圖經永嘉縣東三百里有白茶山

案永嘉圖經御覽八百六十七飲食部亦引縣東有白茶山一條與茶經合又百七十一州郡部溫州下引圖經永嘉漢治縣之地後漢改爲章安圖經上不繫永嘉二字不知與飲食部所引是一書否永嘉於前漢爲同浦後漢章安卽同浦所改圖經謂漢治縣之地乃襲司馬彪續漢書郡國志及張勃吳錄之誤說辨詳全祖望培籥亭集三十五

宋

李氏宗諤祥符溫州圖經浣川集五

佚

戴栩永嘉重建三十六坊記永嘉州郭延袤十八里較諸雄藩會府雖不及毗列城則過之在昔民聚未稠甲乙可數比緇黃者稱寺觀目姓氏者兼甄能大畧有以辨識足矣質而俚厯而未純者弗計也後乃文化寢成藩飾聿至祥符圖經坊五十有七紹聖開楊侯蟠定爲三十六坊排置均齊架締堅密名立義從各有攸趣浣川集五

宋史二百六十五李昉子宗諤字昌武翰林學士右諫議大夫嘗預修續通典大中祥符封禪汾陰諸州路圖經

案祥符圖經見戴文子浣川集不箸撰人通志府縣志亦未箸錄攷直齋書錄解題八載蘇州圖經六卷李宗諤撰景德四年

詔以四方郡縣所上圖經刊修校定爲一千五百六十六卷

王

十四作一千五百六十卷目錄一卷以大中祥符四年頒下今皆散亡館中僅存

九十八卷余家所有惟蘇越黃三州刻本耳

又載越州圖經九卷黃州圖經四卷

並李宗玉海十四祥符州縣圖經中興書目今存九十八卷

譌撰州至利州續書目有圖經七十七卷台州至筠州

宋史藝文志三李宗諤圖

經九十八卷據此是祥符圖經卽李宗諤所修其書修成後頒

又七十七卷下各州謹藏

玉海詳符州縣圖經書成上之又詔重修定大南

小圖經令職方牒諸州謹其藏每閱依本錄進渡後汴都祕籍盡歸散佚而諸州頒藏單本間有存者浣川所

述卽是書也今依陳錄載蘇越黃三州圖經之例補著其目備

北宋地志之一種焉

無名氏樂清縣圖經

良齋浪語集三

佚

薛氏季宣鴈蕩山賦注樂清縣圖經鴈蕩山三京灣按隋圖經云溪清如鏡無所不容黷之不濁唐刺史張又新有詩今名照膽溪云

艮齋集三

案三京灣太平御覽七十五引永嘉郡記作三原灣古字京原通用据薛賦注則三京灣卽今鴈山照膽溪鄭記作于劉宋時已載其名則沈括夢溪筆談謂鴈蕩山自古圖牒未言祥符中造玉清宮伐木取材方有人見之乃無稽之妄說矣

周氏

澁永嘉志

乾隆溫州府志二十七作永嘉縣志誤今從宋史藝文志三

七卷

宋史藝文志三

佚

嘉定赤城志四十永嘉置縣始漢永建四年至吳以孫琳爲永嘉侯韓晏爲永嘉長蓋此地也今永嘉本古永嘉縣分置故永嘉志云晉明帝太寧元年分臨海之嶠南永嘉立永嘉郡孝武寧康二年又分永嘉郡

之永嘉置樂成縣隋開皇九年平陳郡廢改永嘉爲永嘉縣隸枯州大業初郡復置縣仍屬焉唐武德五年以永嘉縣置東嘉州領永嘉永嘉等縣正觀元年州廢省永嘉隸枯州然則永嘉蓋嘗屬溫與處矣萬厯溫州府志七宋知溫州軍州事周徵左朝請大夫知溫熙二年浚河道政事脩舉委教授徐嘉言編永嘉志

案淳熙永嘉志雍正浙江通志二百五十三萬厯溫州府志十

七並題徐嘉言修

乾隆府志作永嘉縣志殊誤此郡志非縣志也

蓋周徵爲州守實主

其事纂輯則出嘉言也惟宋志已題周徵今其書又復不傳嘉定赤城志及方輿勝覽九所引永嘉志並不著撰人未敢以地志孤文輒易正史故仍從宋志題周徵名用示詳慎

袁氏

采

樂清縣志

十卷

直齋書錄解題八

佚

直齋書錄解題八樂清志十卷縣令信安袁采君載撰

案袁知縣采萬厯溫州府志治行傳道光樂清縣志名宦傳並有傳

元

馮氏後京樂清縣志道光樂清縣志十一

佚

自敘按周官土地之圖人民之數與其山林川澤丘陵墳衍原隰之名物皆大司徒之所周知而當會者四方之志外史掌之然則郡縣之有圖志其來遠矣任民社之寄修典禮之常其敢昧爲迂闊不切之務哉洪惟國朝肇造自西北包括盡東南取開闢以來分裂破碎之區宇而混一之日月所照霜露所墜凡有血氣莫不環嚮而內附天下之定於

一未有若此其盛則夫輿地之閒所司之務土壤之物宜與夫革命以
來所損所益之大政令皆當刊入志書以備天子史官之採乃臣子
職分之當然而或者以爲非期會簿書之所急則不敬莫大乎是余嘗
佐州昌國卽以是爲第一事亦旣編摩鉅梓以補是邦之闕文矣竭來
茲邑首訪圖經無復存者顧於僧司得一摹本乃淳熙己亥所作距今
百二十餘年章旣漫漶卷亦殘缺亟以暇日整葺所存搜訪其逸事不
關於風教物不係於錢穀詩不發於性情文不根於義理皆一切不取
定爲傳信之書庶非無益之作境內山川圖諸卷首抑亦觀民風者之
所望於下邑者也惟區區迂腐平生所學志在有用幸獲備牛馬走於
窮山遠海之鄉濡毫操簡僅能施諸州縣之乘以爲官常吁固可陋已
亦可念已大德甲辰正月癸丑朔判樂清縣事馮福京撰

道光樂清
縣志卷首

道光樂清縣志七元知縣馮福京大德七年 十一樂清縣志元大德

甲辰邑令馮福京修

四庫全書總目六十八馮復京潼川人官昌國州判官

案馮復京萬厯溫州府志秩官門雍正浙江通志道光樂清縣志職官門並作馮福京攷原敘云郡縣之有圖志其來遠矣余嘗佐州昌國卽以是爲第一事亦旣編摩鋟梓云云而四庫總目載大德昌國州圖志元馮復京郭薦同撰錢氏元史藝則文志二同馮福京當爲馮復京無疑樂清志明以來久無箸錄復京事跡亦無可攷地志展轉修改遂致姓名譌舛今謹據總目及自敘攷正之

明

無名氏瑞安縣志

千頃堂書目七

佚

千頃堂書目七瑞安縣志永樂乙未修不知作者

汪氏循永嘉縣志

十六卷姚希淨

未見

謝鐸序溫在兩浙爲名郡永嘉又溫之巨邑也蓋自宋以來儒碩薦紳
項背相望人益顯而地益勝幾三五百年於茲矣邑舊有志歲久殘缺
且來者無所與續邦人病焉弘治戊午新安汪侯循來宰是邑既明年
政通人和乃取舊志而參酌之總之爲十六卷既成以書介予所親章
秀才玄緘來請予序予與侯有斯文之雅不得以不能辭惟古者邦國
之志小史掌之四方之志外史掌之邦國各自爲志所以紀一方之事
若晉楚之乘與檇杙是也四方合而爲志所以紀天下之事若周之職
方氏是也我朝雖所掌無有恆職而一統有志藩省郡邑亦各有志則

猶古之遺制也然一統志采之天下作之朝廷其體重其勢疏則其爲志也固在所當略雖欲詳之亦有不可得而詳者矣自朝廷而藩省自藩省而州郡以至於邑天下之勢蓋於是乎極則其志之爲體昔所可略者於此不得而略昔所不得詳者於此不得而不詳況夫永嘉爲附郭巨邑郡之體統亦將於是乎在矣然則是志也安得而不作其作之也亦安得而略之而不詳哉夫志不特紀已往之迹亦所以垂將來者之監焉蓋於建置沿革可以見世代之紛更於田賦物產可以見世變之升降於人材風俗可以見世道之污隆於詩文政績可以見世運之興衰於是而觀其善者以爲法視其不善者以爲戒則凡生長是邦與夫臨蒞其地者皆一舉目可以得之矣亦奚以他求哉此汪侯作志之意亦或古者小史之遺意也因推而序之不識以爲何如

桃谿淨
稟七

明詩綜二十七下汪循字進之休寧人弘治丙辰進士官順天府通判

有仁峯文集

案汪仁峯元嘉志今無傳本王西華嘉靖永嘉縣志序稱太平謝文肅公有元嘉志序而未睹其書則此書當時疑未刊行也

國朝

馬氏

鵬霄

平陽縣志

八卷

雍正浙江通志二百五十三

未見

自序在昔太史採詩以觀十五國之風故土之厚薄俗之貞淫備得貢諸天子已而詩亡史散於天下晉乘楚檣枕魯春秋記注不同而勸懲之旨從同至漢子長則另出手眼綜摭古今自爲一史至今讀之山川人物世家年表政事文章貞淫得失較若列眉豈非古今簪述之一大觀也哉厥後諸家倣之自京洛都會白海嵯巖邑亦有成書此平陽縣

志所以作也予自丙戌改元奉 天子簡書吏於茲土下車清問手
繙是書見夫山川人物世家年表政事文章貞淫得失不異子長獨其
縣世寢邈簡篇殘落怏怏久之亾何遘亂殫思捍禦五越年所迺茲朝
食閒繹前書每念先令王朱數公不可企及公能修之於前予不能踵
之於後所滋愧耳用是謀諸薦紳肅請鴻儒陳文謨杜汝愬徐有說孫
子詞徐鏡等校讐修輯務爲信史故前有美而必彰後有芳而必擷集
思論次踰年始成於是攬其山川人物世家年表政事文章貞淫得失
犁然不爽噫推斯志也其與子長爭光日月可也或曰以子長之才之
識孟堅猶且誚之子胡易言史耶予曰否否夫志與史異史者褒譏勸
懲其旨顯其辭嚴志者有褒無譏有勸無懲究之褒勸之功深於譏懲
故其旨隱其事備微同而異孟堅不得而誚云後之君子其詳繹之不
特製錦視成籍有良書所謂一道同風其在斯乎予敢告諸來者上之

太史貢諸

天子願敬拜焉謹序順治辛卯蜡月

乾隆平陽縣志十九

雍正浙江通志二百五十三平陽縣志八卷順治辛卯知縣馬騰霄修
乾隆平陽縣志十九平陽縣志八卷國朝順治辛卯令馬騰霄主修
貢生陳文謨等纂

案馬知縣騰霄乾隆平陽縣志名宦傳有傳

汪氏

燠

溫州府志

三十二卷

雍正浙江通志二百五十三

未見

雍正浙江通志二百五十三溫州府志三十二卷康熙乙丑汪燠修
乾隆溫州府志十七知府汪燠江南婺源人拔貢二十三年任修溫州
府志

施氏

鉉

平陽縣志

雍正浙江通志二百五十三

佚

雍正浙江通志二百五十三平陽縣志康熙癸丑知縣石金和主修訓導施鉉編纂

乾隆平陽縣志十訓導施鉉平湖人康熙九年任

林氏天楨泰順縣志

四卷雍正浙江通志二百五十三

未見

雍正浙江通志二百五十三泰順縣志四卷康熙癸丑知縣林天楨修案林知縣天楨雍正泰順縣志名宦傳有傳

劉氏可聘泰順縣志

四卷雍正浙江通志二百五十三

未見

雍正浙江通志二百五十三泰順縣志四卷康熙癸亥知縣劉可聘修
雍正泰順縣志六知縣劉可聘遼東人康熙二十一年任陞四川潼川
州知州

朱氏

國源

泰順縣志

十卷

乾隆溫州府志二十七

存

雍正己酉刊本

從來志與史異史並列善惡嚴褒貶而志則僅錄其善雖片長不遺焉
然其書之體首列星野職方而戶口賦役人物藝文職祥之屬以次排
纂與史無異且由邑而郡而省各有志彙以上諸史館備紀載所採擇
取一善而不善者知勸褒者嚴而懲勸之道抑寓有關於治化不淺証
以彈丸之地而忽之哉余自奉 命觀察浙東環十五城皆瀕山海
之區土瘠而地偏思所以振興而拊循之者固自多方先必攷其山川

風土之宜參以古今事會之變乃索兩郡邑志大都殘闕失次於中完好足觀者少屈指數兼處州舊府志久亦不傳遍訪未得每竊擬就兩郡縣成書及其煩蕪掇其精英益採近今傳聞之信而覈者補所闕遺統爲甌括一志以貽來者而未遑也頃泰令朱君手其所修纂邑志來謁取而覽之條理井井不必越前人之範圍而不濫不漏亦犁然有當於作者可以該一邑之大觀矣夫泰故爲羅陽鎮前明析瑞平二縣之近鄉而設治於斯西南趾連閩之福安壽寧東北毗於青田景寧山谷叢菁皆互數百里方域雖不敵古大諸侯地亦巖邑也土產唯秔稻入僅足支一年舟楫不通商賈罕至又山高苦旱稍不雨歲輒告歉民之生其地者亦幾瘁矣然以僻處巖爾人皆重去其鄉男耕女織鮮惰窳不力作者俗固儉嗇綺羅文繡無出焉故侈靡之習不長猶有唐魏風邑誠小安在其不可治也朱君旣予斯邑之民病痛癘關乎一身所

以拊循而振興之者當不獨志之爲而卽斯志以觀則相其山川原隰而勞農勸墾以厚其生因其風土人物而教導鼓舞以正其德融會乎古今沿革損益之義而布爲政刑施諸條教使之家喻而戶曉焉蒸蒸然一邑之風氣日臻於上則信乎 聖化之普被於陬澨而稱其職

者之爲良有司也志之道通於史而扶善以勵不善勸懲具舉其有神於治化者又豈獨一邑然哉是爲序 昔雍正歲在己酉孟陬月上澣

賜進士出身浙江等處提刑按察使司副使分巡溫處道今調杭嘉湖道加一級前吏部考功司郎中翰林院庶吉士琅琊王敘福撰

歲甲辰余奉

特命來守甌郡郡邑五而泰順爲末邑其地介在閩

栢居萬山之巔初名羅陽鎮爲瑞安義翔鄉景泰壬申依尙書孫原貞奏割安固橫陽幽遐之鄉益之而設爲邑賜名泰順此泰順之所由來也地荒僻而俗簡率宰是邑者歷經振興漸就文物迄今幾二百餘年

士習民風蒸然丕變矣朱君來宰茲邑淬精勵治百廢具舉公餘之暇搜羅舊志苦多殘缺因與老成紳士博考參訂而重修之今幸告竣而請序於余余披而閱之見其庠序田廬井然有條山川人物犁然可觀補舊增新因名核實明備之中可以徵信纖悉無恨矣余聞泰志始成於萬厯邑宰王君克家重修於崇禎邑令涂君鼎鼐兵燹後鮮有存者今得朱君更重輯之泰雖嚴邑得茲備志而所謂士習民風蒸然丕變者不更較曩昔而炳蔚可觀也哉嗟乎銅墨之長類皆傳舍其官簿書之餘誰復留心邑志如朱君者能以文章飾吏治攷古傳 勒成鉅典亦可謂難矣余閱此志爲泰人喜而竊嘆朱君之爲功於泰邑洵非淺鮮更可與王涂二君後先並傳云是爲序雍正己酉之歲孟春月吉

賜進士出身特授中憲大夫知浙江溫州府事今陞按察使司副使分巡溫處道芮復傳撰

今 國家混一區宇荒陬海外固不率俾故志修一統爲前古以來所未有然統志以下有郡志有州志州郡分之有縣志猶大宗之有小宗江海之有支流也其書較州郡志更賅且悉昔子朱子令建康百度未舉首閱志書非迂也良以是書也一邑之形勝具焉歷朝之興革備焉民俗之淳漓載焉戶口稅斂之贏縮詳焉風土人物之隆替著焉其他可以供省覽廣見聞者又不可屈指數也取而閱之而緩急輕重之閒乃無所施而不當志之有裨於治也亦大矣哉甌郡舊縣有四明景泰閒始割瑞安平陽地而縣治之則泰順之爲邑也近非若滄桑幾易者之杳乎不可攷也然源承乏茲土廣咨故事雖章縫耆宿之士亦鮮有能道之者欲求其志而遺版盡矣卽閒有攜其書至者非失其前卽闕其後而存者亦多塵污蠹蝕魚豕傳訛莫窺全豹源遂惄然興感謂泰之有志至明季已兩修曾幾何時而竟若是則遙遙九十餘年其湮沒

而不可考者又可勝道哉迺於戊申清和吉日開局於邑之文昌閣延名獻而續修之上徵郡志下逮芻言訪之惟恐不得之又惟恐不真然而遲之數月須之又久而所得者猶覺闕如則何以故蓋泰爲兩浙末邑壤僻民稀都邑分城皆峻嶺崇山嶮巖峒畢每至一地所經者必攀藤蘿步仄徑熊虎之所游蛇虺之所蟠惴惴焉虞有不測之禍源年來桑田勸課嘗策杖而躬歷之以故民有終身不入城市至老死不見官長者則雖有良材懿行而傳聞不遠匿跡銷聲固其宜也況秦邑力田務本比戶皆然卽士之游學校者亦盡殫意於農畝之中而出其餘力以攻帖括應課試復何暇留情採輯作稗野史成一家言以爲異日之文獻哉故源於是志遲之雖久而未免有闕如之憾者此也然心雖闕如而還念此志不就因循歲月則此塵污蠹蝕與今之存什一於千百者將俱與荒烟冷風而皆盡予懷滋戚矣故始之闕如者又不覺轉

而躍如也第此邦之田歲收一稔偶遇水旱卽縣磬興嗟而且商賈絕
踪桑麻罕植富而教之使之樂盈寧而穀士女慶彙征而拔連茹始不
負 聖天子保惠作人之意柰源材力謫劣每兢兢以弗克負荷是
懼故今雖自喜其志之成而猶未敢須臾少安也是書也秉筆而司其
成者家孟廷琦也其相與討論而增削者曲阿孫君嵩也校讐者膠城
歸君燿而廣蒐輯其商訂者則邑之潘君仲溥包君惟儼周子奕燈周
子琰潘子弘璽等諸茂才也皆雍正七年己酉孟冬月之吉日文林郎
知泰順縣事加一級上海朱國源丹臺撰

秦炘序

不錄

喬世臣序

雍正己酉
不錄

張坦讓序

雍正己酉
不錄

羅秉禮序

雍正己酉
不錄

李發枝序

雍正己酉
不錄

雍正浙江通志二百五十三秦順縣志十卷雍正己酉知縣朱國源修
雍正秦順縣志六知縣朱國源號丹臺上海人保舉雍正四年任

案雍正秦順縣志分輿地風俗營建祠祀賦役官師選舉人物
職志藝文十門采摭既爲疎略又漫無義例如選舉旁及內官
藝文不載經籍人物一門蕪濫尤甚秩異裔夫輒標農官之目
年逾中壽便埒人瑞之篇詭題謬例展卷皆是至於吳陶包董
諸氏族譜牒流傳往往僞造科名虛張官閥亦復不能攷正反
據屢補其凡例自謂分類雖仍舊志而參互考訂頗具苦心今
以其書駁之殊不踐其言也

張氏

坦熊

玉環志

四卷

雍正浙江通志
二百五十三

存雍正王刊本

普天之下莫非王土率土之濱莫非王臣故一夫不獲方隅未化亦必加之意焉非徒以廣土眾民已也宮保尙書李公總制兩浙痼瘼民瘼情殷 國事凡省會都邑之地雖已治已安罔弗思深而慮遠至山陬海澨復殷殷注意蓋我 國家聲教訖於海外郡臺濤而邑定海幅員既長鯨鯢靖影尤必防微杜漸以圖海疆永固之謀覘知玉環橫互海中爲溫台之門戶察其形勢深邃遼闊易於藏垢納汙瞿然曰其田地肥饒可耕其山海要害宜守夫孰非 聖天子之疆索哉奚忍以草萊而輕棄之也爰請展復於 朝題熊以董其事如建官設汛招徠開墾諸大務一一預定其規模復區畫指示面命耳提詳明周匝熊於雍正五年三月委至茲土率由奉行宣布 皇仁遍張憲示首事招徠先民之急相度川原林麓之區卜宅授田開河濬溝除道成梁築塘建

陡爲上錯爲中錯爲下錯分三壤以定厥賦正經界以盡地利貧而無力者請爲之借種助耕家有餘粟者又爲之通商惠工斯民所以相生相養之道罔弗曲盡而靡遺於環山之中青地勢平衍卜築而城焉而官舍而倉廩而營房而神祠次第具備東西朔南爲臺寨爲汛防爲塘鋪爲快哨星羅棋布武則陸路以固其內水師以蔽其外文則團練游巡於各口保長稽查於輿中斯墾民之大集而有以永奠厥居也至不耕之民則刮土煎鹽足資衣食或以漁爲業則禁革陋規止徵塗稅其閩浙洶海船隻千帆叢集遍游洋面奸良混淆查明進出口址收其牌照驗其年貌俾輿外之奸匪無由而入卽輿有奸匪亦無從而出以故數年來海宇敕盜商漁樂業莫不曰此玉環扼要據衝之所致也今日者城垣廛舍翼翼鱗鱗禾黍桑麻離離或或而又河道天開舟帆咸利回憶入山之始滿目荆榛新附之民鵜衣糲食一旦出作入息鼓腹含

哺商賈雲集行旅載途其游於光天化日之下不誠於環海之民有厚幸乎此皆我 皇上仁恩普被上膺天眷以故川嶽效靈萬物各得其所而制府李公體 國經野之碩畫足以光天壤而昭來許然而山川風土之宜小民樂利之源凡夫風氣初開新疆景象不一一爲之編輯將後之觀風者亦何所藉以考焉爰是首刊 題奏議詳圖其星野險要紀其田賦典制箋其風物事宜而以人文附綴於後爲志四卷則誠有不容已於縷述者也是爲序時雍正十年歲次壬子應鐘月溫台玉環清軍餉捕同知加二級紀錄三次張坦熊書

雍正浙江通志二百五十三玉環志四卷雍正辛亥同知張坦熊編輯玉環志三同知張坦熊字男祥號郎湖湖廣漢陽府漢陽縣人康熙辛卯科舉人初任浙江嚴州府桐廬縣於雍正五年三月初一日委辦玉環墾務於雍正六年六月初九日陞任

案玉環山明以前爲濱海荒島舊無紀載 國朝雍正五年浙
江巡撫李衛奏開其地始築城設清軍餉捕同知駐防其地以
桐廬知縣漢陽張坦熊爲之玉環志四卷卽坦熊所勘其書前
無所因故所載掌故寥寥不能數葉而奏報公牘幾居全書之
半輿圖則備繪全浙海口軍制則詳臚火器形製皆未免橫滋
支蔓務盈卷帙至於櫛嶼舊聞如初學記五引永嘉郡記所傳
地肺山水心集二十一所傳天富北監在玉環島上及濮陽李
寬知監事宜人鄭氏墓誌銘之類並未能夠稽遠討而末卷所載藝文
乃錄坦熊自作詩文連篇累牘殊嫌蕪蕪未足備土訓之選也

章氏昱 吳氏慶雲 瑞安縣志嘉慶瑞安縣志九

未見

嘉慶瑞安縣志六章昱乾隆八年任瑞訓瑞志不戒於火散失殘闕久

無成書昱修明搜討舊志卽其所輯 九瑞安縣志一修於乾隆己巳
邑令陳永清延司訓章昱邑人吳慶雲等修

案吳慶雲事蹟無攷

齊氏 召南 汪氏 沅 溫州府志

三十卷

存 乾隆辛巳刊本

乾隆辛巳夏余以校士赴溫州取道芙蓉邨沿大海而行數十里閒居
民率障海塗爲田田斥鹵不可治生計甚嗇然林木蔭蔚中見鴈宕諸
峰峻嶒戍削泉瀲瀲循澗流自樂清以南則土田衍沃襟谿帶江望若
刻畫嘉稷垂垂然就熟比至郡而城郭樓櫓雄奇瑰麗蓋浙東一大都
會也斟城李君來守於茲數年矣敦厚質實百廢具舉其於牧民之道
教士之方若饑渴之於飲食蓋其性之所嗜旣而手出一編曰此溫郡

新乘也先是漭漫已數十稔今始葺而成之受而卒讀然後版輿之阨
塞戶口之登耗人物之盛衰風俗之厚薄及往代名賢文章政績瞭如
指掌蓋可坐而知也夫溫在漢以前本東甌國與閩越並屬荒服自漢
徙其民於江淮之間而奇麗山川僅爲甌脫逮典午以後王謝諸君受
而牧之弦詩肄禮風氣日上而山川之孕靈胎秀積久後發者亦適會
其時磊磊焉大顯於世建炎之初高宗曾一駐蹕其後洛學南興而將
樂延平之緒再傳遞衍遂盛於溫一時號爲小鄒魯嗚呼豈不以其人
哉今余縱而覽焉其地萬山翳阻扼八閩之吭控明蔽括偶一蠢動伏
莽如蝟不可爬梳又三面距海自孫盧以舟師走險腹蟹璫結代有氛
警勝國初元方氏遂欲以閩搖自爲卽中葉島裔出沒亦惟溫最當其
衝是故海不揚波則溫據土田之利有山澤之饒氣清且淑洵爲樂土
而魁才秀士敦詩說禮者亦傑出不窮如宋以來是已方 今大化翔

洽遐邇同風溫之人之休養生息於堂筵室几中者百餘年矣山夷狡窟溟息沸波木桶之嶼疆以周索屹然爲郡巨防而生齒之數日益蕃礲礪之壤日益闢魚鹽絲枲之利日益滋非

聖天子德教深博無涯涘而二三有司又能奉揚仁風與民休息其孰克致此乎夫因勢利導者上之政也薰德善良者下之化也今溫之山川風物終古猶是俗亦弗敝於古而人材之盛推校闊絕豈地靈所鍾有時而歇不可強歟抑教之者無其方學之者無其術也予滋慙焉故覽斯志而不能無望於溫之人慎毋忘宋以來鄉先正之遺風而思以道德事功一吐山川之奇則李君拊循教誨之功且與雁宕諸峯埒矣爰書以貽李君而歸其帙皆乾隆二十有六年七月內閣學士兼禮部侍郎提督浙江學政晉寧李因培書於永嘉江上之雙溪舟中

乾隆十六年冬蒙 恩陞擢甌括浙東數郡旱魃爲灾哀鴻遍野大憲

迫余抵任隨兼程赴甌督理海運賑撫各事宜及一切文教未遑也次年夏始葺東山書院而新之延師課士其中同時獲雋者三人然而胥災之後宵小潛滋因請於上憲巡查兩郡十五邑一廳舟車所至期年始遍凡民風土俗文物山川以及道里之修短都邑之沿革靡不博採諮詢貯之行笈蓋雖越澗度溪羊腸絕嶽向日長吏所足跡未至者莫不躋險以登向日按圖考索而不得其準望者已於今親歷之詎不甚幸與獨是今昔異宜質文遞易必得參稽志乘庶幾得所依據乃披閱各志半皆殘缺漫漶因與守令諸君商畧釐訂若處屬各邑亦復漸次修舉惟甌爲漢古郡東至於海南至於閩北至於鴈宕西至於括蒼其閒山海交錯烟戶鱗接匪獨區域之景光疇曩之蘊祕積焉已勞而亘人長德之因時閒生鴻章鉅製之應期有作異見畸聞纍纍不盡自非網絡古今囊括記錄則小司馬所云殘缺紕繆咸拱手而不言未可爲

通學也時郡守俞公永邑崔君皆曰善乃相與糾集五邑之紳士各捐費若干天庥滋至民慶有年無小無大從公于邁不數月而集費已得若干縉乃上報大憲咸曰可并命延少宗伯次封齊公徵君西瀨汪公總裁其事于是擇吉具書幣設局于杭廣集羣彥分門別類重爲釐葺蓋丙子十月事也嗣余適奉檄兼理饑郵得以時過萬松與宗伯商訂裁益閱九月而各門俱竣惟鹽法田賦人物諸門尙須綜覈典要始成完書時甌江太守斟城李公甫抵任來謁余具告所以太守欣然力任其事遂以草本畀之復于戊寅開局於甌補所未備期年而工竣余以丁艱去不克就緒然得李公銳意踵成既命永學趙廣文主之復擇紳士之賢者分其任廩既月給冠蓋時至俾余未竟之緒迄用有成蓋振幽翳備窺涉詞駁理舉則賢太守教民型俗之方於此具見而大憲修舉廢墜之意亦用是頓慰其功較始事者而愈烈矣余因太守以書來

請不揣蕪陋弁言于端以誌余之未逮云乾隆庚辰正月前任浙東觀察使者婁東朱椿拜撰

溫州府志闕修者蓋七十餘年前太守金公議纂輯而難其事歲丙子觀察朱公太守俞公以爲失今不圖後愈無攷遂奮然舉行假手當代宗工設局於會城之萬松書院成有日矣而朱公俞公皆以艱去予洎在復設局警校若鹽法若戰艦若海運皆補前志所未備既訖工遂著其本末而序之曰溫之爲郡始於閩君搖助漢封東海王後雖爲漢縣介在蠻彝久矣無聞於中國自江左偏安而山川之奇始顯洎有宋崇儒而道學之傳聿分其水土所生神氣所感魚鹽蜃蛤絲枲竹木以及都人士女簪組閭閻之盛屹然爲浙東大藩至於今不替試按籍而稽疆域之廣輪建置之沿革師田賦役之代更文物聲名之迭起節目紛如而歷世滋久志之不可缺也明矣竊嘗論之溫郡前有大海後阻重

山水陸相錯走婺括馳明台扼八閩之吭而拊其背元明一統而海上
有事溫郡輒首受其衝我朝聲靈赫濯度越前代薄海內外罔不率
俾小醜震鄰不崇朝而底定百年以來休養生息涵濡於德化之深而
又安不忌危防維嚴密宿重兵者七萃備哨巡者百艘是以桴鼓不驚
海若效順民生其閒倉先疇而服舊德說禮樂而敦詩書何其幸也然
而問謠俗之得失驗物土之盈虛昔之敦龐淳固者漸且變而囂陵昔
之碩大繁滋者漸且虞其耗竭觀于學校而子衿城闕佻僇時聞小鄒
魯之風胡不嗣音也將滄漓樸散風會必趨抑節宣而陶冶之者非其
道歟前事不遠展卷披圖當思山川無改於舊而儲英挹秀何以衰盛
殊觀土田日闕于前而取多用宏何以豐歉不一賈子曰此非天之所
爲人之所設也繼自今相與講讓型仁更化善俗導迎扶輿清淑休和
之氣以無負聖天子一道同風之至意固守土之責而亦耆老大

夫縉紳先生之徒所當倡率而延及齊民者也若乃探夢艸之遺踪問容成之故蹟登臨甕弔僅供摘華採藻之資則亦與書肆說鈴等耳何取乎汲汲修輯也哉蓋張官置吏原以爲民而紀事纂言期于垂教余故因書之成而撮其大端如此其他徵文考獻之詳略發凡起例之是非覽者當自得之茲不具論乾隆二十有五年歲次庚辰正月東甌太守樹城李琬撰并書

明山序

乾隆庚辰不錄

徐縣序

乾隆庚辰不錄

莊有恭序

乾隆壬午不錄

賀長齡 皇朝經世文編姓名總目一齊召南字次風號息園浙江天台人舉乾隆丙辰博學鴻詞授檢討官至禮部侍郎有寶綸堂集及水道提綱

案乾隆溫州府志分三十門曰星野曰疆域曰建置曰山川曰
城池曰公署曰學校曰兵制曰祠祀曰田賦曰鹽法曰水利曰
關梁曰風俗曰物產曰封爵曰職官曰名宦曰選舉曰人物曰
寓賢曰列女曰古蹟曰冢墓曰寺觀曰仙釋曰經籍曰藝文曰
祥異曰襍記其書爲齊侍郎召南及汪鴻博沆所定沆號槐堂
仁和人乾隆丙辰舉
博學鴻詞據朱李兩敘則初定槩本鹽法田賦人物諸門尙未
卒業後李琬別於溫州開局補修乃得成書今核其記載大抵
以萬曆王志及康熙汪志爲藍本而稍爲訂補徒以齊汪初纂
開局遠在杭州采訪旣難編輯復畧及平郡中續補則復任意
羈改漫無義例書成之後又未經原纂之人精爲核定故疏漏
舛誤展卷皆是家大人箸甌海軼聞及詒讓此志隨事辨正殆
不下數百條茲不詳箸末卷襍記門埒息園閒識十六則爲齊

侍郎所記其論修志不無遺漏一條舉宋史袁燮知溫州舒璘知平陽諸事補舊志之闕知所補正亦止職官一門此外不甚留意至於各宦載王右軍一條不知右軍爲永嘉太守說始見祝穆方輿勝覽九瑞安府下儒學之盛一條於永嘉諸儒在朱門者誤數南城包顯道敏道詳道諸人顯道名揚敏道名遜詳元學案七十七儒林宗派十舊志儒林傳誤以爲永嘉人故侍郎亦沿其謬攷證亦未精審蓋侍郎雖號博綜溫州典故非所諳習宜乎此書不能遠勝舊志矣

永嘉縣志

二十四卷

存乾隆辛巳刊本

嘉於甌爲附郭邑環山衛海人物繁夥夙稱東南冠冕者也邑令崔君經術飾治政通人和諸廢具舉以暇修新志若干卷今且以報最去而

刻適成乞余序之余爲之慨然曰事有不等於撫字催科之急而實關風俗人心之不可緩者志是也周官外史掌四方之志其時諸侯亦各有史記後漢光武始詔南陽撰作風俗故沛三輔有耆舊節士之序魯廬江有名德先賢之贊郡國之書由是而作推其本原皆史類也夫彰往察來辨方類族將經制軌事裨政庇民胥于是乎寄志固可終緩歟而俗吏多急近功或藐焉而勿事或事之而以他務中止顧惟斧藻其治上呼則胥趨上畫則胥諾薰心於章程律令而簡夷乎故實文章不幾于繭絲乎哉故嘗謂令效于其職無緩急也惟效其職則理苟身實在其職而以爲緩者不足爲則進而丞倅進而一郡之守更進而監司位愈尊則愈易曠名愈高則愈易諉嗚呼又豈有績用之大可見耶余銜命觀察承國家累治重熙之後朝夕孜孜以冀宣布聖天子浹髓淪肌之化心喜崔君之能治其所急而亦不慢于緩愈以見緩

之無非所急故樂爲之序且以自勛焉若夫編纂之精審文例之謹嚴則固有目之所共賞不具贅云爾乾隆二十六年歲次辛巳秋八月鐵嶺徐縣書

永嘉志修自康熙二十一年閱今歲久版剝落散失存者不及十之三人家亦無完本余下車以後卽有志重修而未逮歲乙亥觀察徐公郡守李公雅意修郡志予得參末議敢請天台齊少宗伯錢塘汪徵君西顥主其事歷再稔而告成繼有事於縣志發凡起例一依郡志而綱舉目張徵引典物根據史傳要皆科律省志較舊志爲得體裁工旣竣展卷循省幸少魯魚亥豕之訛夙志藉以伸而予猶不能無歉然者志乃史之支流餘裔求其文贍事核非嬋見洽聞不爲功昔孔子作春秋得十二國之寶書而於老子郊子下逮師襄賓牟賈之屬無不咨訪然後文成數萬至言夏殷之禮則惜杞宋之無徵是紀事纂言未有舍文獻

而能成者永邑前志距今八十年老成凋謝掌故失傳經籍所載自宋以來名人著述夥矣無一存者學士大夫家傳誌銘叢言脞史之畱貽亦求之而不一得欲志之美備其孰從而取之而詳之嘗攷前明宏才碩學接跡而興本朝王阮亭司寇獨取黃才伯廣東通志李川父河南通志暨舊藏陸鼎儀山東通志謂皆精審不苟而惜楊升庵四川續志馬伯循陝西通志未及見由司寇之言觀之志若是其難何哉蓋有博而不精者矣未有精而不本於博者也今一代著作巨手才何遽不若前人乃徵文考獻而石室名山竟同無字之碣齒危髮禿不啻無口之匏不得不據往迹稍加釐訂求如史公所謂網羅散失放佚舊聞者則頭白有期汗青無日子又烏能以無憾也哉雖然周官外史氏掌四方之志以周知其地域廣輪將以參乎人風以達其治也是以王制司徒之官於廣谷大川異制民生其閒異俗者詳舉剛柔輕重遲速器械

衣服而綜之以修其教不易其俗齊其政不易其宜可知志之作臚其俗宜而重且大者端在於政與教永邑素號小鄒魯理學名臣孝義節烈載在前志者班班可攷彼都人士猶能嗣此流風餘韻乎未也覽斯志而觀感興起重有責於化導轉移予承乏八載簿書期會鞅掌不遑於風俗人心滋多愧焉冀來者改絃更張而補予之缺憾是則予亟亟成書之意云爾昔乾隆二十六年歲在重光大荒落重九日三韓崔錫謹序

施廷燦序

乾隆三十年不錄

李琬序

不錄

黃氏

徵父

瑞安縣志

十卷

存

嘉慶已刊本

溫州縣志

外編卷上

瑞安志十卷自乾隆己巳重刊逮今垂六十稔多殘缺不可考邑令張君恐志之漸就湮也屬司訓黃君修輯之而請予序之簡端予惟修志之難有三上無倡則不能修下無應則不能修有倡與應而莫勝其任則不能修況瑞地瀕海澨計昔之令是邑者凡幾輩簿書倥傯紛其志奔走期會勞其形問以興一利除一弊或未之逮邑乘之修抑迂闊矣乃自張君之來也濬河道設陡門興校士館新節孝祠諸廢具舉而又毅然以修志自任使遠者數百年近者數十年因革損益忠孝節廉瞭如指掌可謂知要也已抑又思瑞去郡不百里其山川文物秀甲他邑六君子之流風餘韻故有存者而人材蔚起今昔殊尚豈俗爲之歟抑人爲之歟文章者道德之表著也已往者後來之借鏡也誠覽是志而奮然興感將士習醕而民風厚其秀彥者勵廉隅其野處者知禮讓其鄉鄰之相往來者莫不以孝友睦婣爲勸勉絃歌載塗桑麻被徑奸宄

不生訟獄寢息相與舞詠

聖朝太平之盛以垂之無窮則邑志之

修也豈細故哉予備兵斯土願拭目以俟之嘉慶十有三年歲次戊辰孟冬月 賜進士出身分巡浙江溫處兵備道前刑科給事中歷掌

河南廣西道監察御史右中允右贊善翰林院編修海康陳昌齊撰

天下事有分所當爲而不得不急爲之者有分所當爲似可緩爲之而仍不得不急爲之者夫可緩而仍不得不急爲之若邑志之修是已予於癸丑年始涖瑞邑諸務次第舉行獨修志一事以簿書倥傯志焉未逮旣而奉檄之永嘉之諸暨之蘭谿餘姚上虞又轉餉之滇南丁卯冬復涖瑞就其政之急者爲之而邑志仍有待將數十年來之沿革損益與夫潛德幽光不重慮其放失哉予乃商之廣文黃平甫先生先生力任其事又擇邑之同志者職分校焉於是簡者增繁者節陋者刪訛者訂如人物藝文志之體例則酌分合而改正之學校志之名宦鄉賢兵

防志之自兵籍以及戰艦器械則綜古今而備載之至如職官志中傳
向老曾爲是邑令則據曾南豐文以補之陸游非爲是邑簿則據本傳
以辨之此修志之大凡亦以見先生之爲功於是志且以見志之不可
不急修也是役也始戊辰迄己巳朞年而刊竣較舊志抑改觀矣而或
乃歸功於予謂自侯之來也河道濬陡門築矣可知養建校士館新節
孝祠矣可知教今又纂修邑志表彰文獻非侯之功而誰予曰否否此
特予分所當爲耳予分所當爲而不爲之而或緩之是曠職也予分所
當爲似可緩爲之而仍急以爲之是循分也夫何功之有雖然有賢師
儒以總其事有邑紳士以襄其職而予得藉以觀其成俾數十年來之
沿革損益與夫潛德幽光瞭如指掌仰見我 國家重熙累洽一道同
風之治不遺於海澨下邑獨非予分所當爲而竟克遂志所欲爲者與
則修志之顛末予又烏可以不記若夫山川之秀人材之雋戶口之殷

忠孝節義之經揆文奮武之要此其體之大者已於志中詳誌之故不贅嘉慶十四年歲次己巳四月知瑞安縣事渭南張德標撰并書

廷銘序

嘉慶戊辰不錄

嘉慶瑞安縣志六訓導黃徵父餘姚人已酉舉人嘉慶十年任

案嘉慶瑞安縣志訓導黃徵父平甫所修邑人與分修者候選教諭戈鶴翔候選訓導李錦瀾拔貢林佩金廩生余一坤鮑作雨生員朱泮洪守一凡七人志爲門十曰輿地曰建置曰祠祀曰田賦曰兵制曰職官曰選舉曰人物曰藝文曰雜志而冠以圖其書義例詳整繁簡得中於舊志相沿譌說如宋主簿有陸游之類亦能據史傳糾正其失在吾鄉諸志尙爲佳本惟人物收陳茂烈茂烈明史儒林傳二有傳云莆田人此因茂烈祖賈瑞安誤收之藝文載陶弘景著述未免失於斷限雜志記曹氏譜宋理宗諭曹觐曹字不宜從

曲一條尤爲委巷之談則疵累之刪除未盡者耳

右郡縣志

溫州經籍志外編卷上終

餘杭鄒守拙校

溫州經籍志外編卷下

瑞安 孫詒讓 編

宋

無名氏鴈蕩山記

一卷

通志六十六國
史經籍志三

佚

章氏

望之鴈蕩山記

良齋浪語集三

佚

薛季宣鴈蕩山賦注走家東甌有祠祭田在鴈蕩山下隆興初赴調因
取途焉愛其巖谷秀異歸得建炎閒郡丞謝君升俊山圖石本字多漫
滅已而得樂清洪丞藏所鑲新圖并賦歲正月望始得皇祐校書郎章
君望之山記于是圖籍大備 章望之鴈蕩山記舉山無崖凡山有名

溫州經籍志

外編卷下

號者蓋純石土山不與焉 記太平興國二年丁丑僧全了始居山之淺者曰芙蓉今承天寺是也至己卯僧行亮神服居山之深者今靈巖寺安禪谷是也天聖九年辛未僧文吉得山之盡東而居者曰碧霄菴今靈峯院是也于是有民居矣皇祐元年己丑縣尉甄昂乃發蕩陰山水南閭地是也 記有禽黃色而差小者謂之金雀禽有羣鳴而聲相抑揚者謂之山樂音有獸如鹿大健而能歷險謂之山羊白者如雪猿有毛如狢謂之金縷此鳥獸之異者也 記鴻雁以時而集故以名上多娑羅樹大箴竹 記敘水源蕩水南出爲大龍湫南東會于天柱飛泉水流東爲照膽溪會羅漢院水南入斤竹澗入于海大龍湫分流而下過石門西凌雲之寶冠古塔水爲長微原南入于海石城之東其水東流會小龍湫淨名水入水簾回峯水南爲白溪入于海靈巖之陰其水出真濟會靈峯及西北五里寶月菴之水南流于溪西會白溪入于

海蕩水北出爲新溪會寒坑泄上大溪又會湖南坑版藏一大溪東南入于海 記載遊山由歷爲詳今存之其不見于記者益之記山去縣七十里而遙越白沙武缺芳林三嶺達芙蓉驛逾姚輿嶺過長徽原至山之古塔菴凡菴皆僧廬也石達之峰有連珠靈犀師子仙冠立戟石表其巖羽人其石招賢 記入東北十三里至寶冠菴以巖名其峯寶簪招賢其水瀑布其泉清涼漏巖而下又有石梁石鏡 記東三里至凌雲菴以峯名含珠朝陽合翠芝草大石門天柱梅雨雙人雙人峯相竝也 記東二里至石門院其峯天冠伏虎五靈雙穴其巖寶陀其嶂連霄 記出石門院西北過石豕登連霄十五里而遙蕩頂大泉渚焉此山之甚高目處而羣山層列于左右前後僧云五十里者多辭云四望而及達必千里 記石門東五里至羅漢院其峯童子文英石龜及兩巒其嶂朝陽連雲其石連生于山腰長覆其下曰石行廊 記東北

四里至承天寺其寺前之峯聳如卓筆曰戴仁寺西曰棲鳳山又東南隅二峰重沓如屏曰華陽西南一山回合若城曰回嚮嶂東北一山勢若龍游曰戲龍北應紫極常雲西北山曰羣鳳皆連揖相望如敷連環合前溪有大石柱二相向若筍曰石門下一里有龍潭二照膽溪夾道西流西南一水又正南一水會于寺右前流翠雲亭西北一水流寺之左會照膽溪流石門龍潭斤竹澗是以九峯四水叢聚之地謂山之宗始云 記西北二里至普明菴西渡溪而入北至天柱菴山曰紫微至華嚴院峰曰陵霞北至瑞鹿菴以巖名其峰師子石碑圓蘿立筍削玉其山大者曰翠微屏其石鵲尾凡三菴相去皆二百步而近 記瑞鹿西一里谷曰大龍湫瀑布下流百丈而入于湫天樂宴坐香爐三峰在南 記普明折北六里至飛泉菴有泉自巖飛而下爲西龍潭有山中斷曰小石門 記東北三里至石城嶺嶺東北三里而長下嶺道二百

步有峽曰經行北入十里兩山壁立以相向如門闕其石色黃其中峰巒秀拔有溪泉瀑布經行之東其峯笏石茶爐其巖白雨又有臥龍山其石虎踞覆盂 記嶺行八里至靈巖寺所倚之山曰石屏風其峰天柱獨秀竇印招賢師子卓筆堯闕伏龜重樓雙峰其巖橐籥柱金石指讀書神迹楞嚴龍泉文會礪齒火焰其嶂平霞其崖石碑其湫小龍其石僧竇其洞天聰羅漢其谷安禪藏珠其泉合掌摩訶又有石城石明堂石魚石倉石斛石龍西石橋 記東二里道北山缺而穴者三相去百步曰宴坐巖虎口巖石龕其嶂排雲在道南其峰大巧在道北東二山相對道出兩閒曰石門峰東三里至淨名菴其峰天冠後三峯曰總角金鼎蓮花石神迎陽其名居士西小石屏其谷水簾新月簾狀谷也 記又三里至回峰菴嶂曰疊疊谷曰靈珠以泉名也又東三里二山之間至靈峯院西方山曰大小石屏嶂曰凌雲其峰最高者碧霄五雲

者以數言其下蓋五老臺云倚天鳳皇超雲丹桂香爐朝天其下有白雲菴藥杵戲師子石犀架海朝陽靈芝靈龜雙巒其巖西真神王石濟修道赤石巾子侍郎騰波其洞龍遊羅漢其壇曰花亦曰羅漢其谷會賢其石飲羽觀音含珠亦曰神王又有龍潭石獼猴石浮圖星河橋石室 記靈峰之陰一里有峰曰佛掌因其下穴而爲菴與疏雲面屏三賢小高菴舊玉 而七其巖逼日隱真又山曰紫翠屏西北四里至真濟菴十里而西有石門樓 記侍郎巖爲胡兵部居之 記靈峰東一里謝公嶺山之東盡于此矣 記嶺行一里石梁菴因梁而名 記東南三里至白若驛西北十里外有南北閣二村相去十五里南閣西十五里有院曰崇德北閣西北一里有院曰白巖相去十里而遙眾山中惟版藏土多石少在南閣西七里蕩陰之最高也崇德南三里湖南坑蓋山之罅接蕩三里高泉瀉下大龍潭在焉其瀑布爲最大有隱仙巖

迎花寶幢四照蓋大石相倚也寒坑泄去北閭十五里其水與台州西界相分九曲行于石溪出白巖東無亂石焉此水勝于山之處也有鳥巖石行廊煉藥爐仙人之田王子晉仙橋散漫遠矣其深者去白若五十里而遙去城迂僻好事者莫知故難見也

良齋浪語集二

輿地碑記目一鴈宕山序云樂清縣鴈宕諸山在焉難以殫載校書郎章望之有記

曾唯廣鴈蕩山志二十二按記中所稱開山歲數皆本薛賦竟置諸詎那于不問矣又鴈湖在西外谷大龍湫在西內谷毫不相涉以爲蕩水南出爲大龍湫者俱誤

宋史文苑傳五章望之字表民建州浦城人初由伯父得象蔭爲祕書省校書郎以光祿寺丞致仕卒嘗北游齊趙汎湖湘西至汧隴東極吳會山水勝處無所不歷

案鴈蕩山記最古者鄭氏通志所載不著撰人攷鄭氏所錄止于北宋末章記作于皇祐閒則鄭所見或卽章記也胡汝寧萬歷鴈山志附錄鴈山記一篇不著姓名以其文覈之蓋卽依薛艮齋賦注所引章記掇拾贋作其所採旣多遺漏又多任臆移竄記內略附小注亦未詳備其舉山無崖句注云崖鳥名似鷹而稍大生於海崖中海邊居人謂之曰崖其色蒼白色亦謂之白崖此說尤爲謬妄不知章記原文訓崖爲山邊說文崖山邊也崖高邊後世二字互用謂鴈山諸峯悉石壁倚天無邊圻可循故下繼之曰凡山有名號者蓋純石土山不與焉至溫方言謂鷺鳥聲如崖者當爲鷺此字見說文鳥部後世變爲鷺字宋本說文鷺之轉鷺鷺舛又音鷺字音切段玉裁王念孫始正之聲之轉鷺音同鷺疑母胡志旣不達章記之惜又未究俗語傳譌之原強以爲說殆可哂也曾氏廣鴈蕩山志亦錄此記題爲袁采則不知何

據萬厓志一新溪在鴈山北蕩水北出爲新溪東其崖字說解
流會於寒坑版蕩大溪南入于海亦引袁采記其崖字說解
亦仍明志之誤至附按以記中所稱開山歲數皆本薛賦而不
知薛賦實本章記則以舊志所錄薛賦注均不全浪語集傳本
又謬故有茲誤惟辨蕩水南出爲大龍湫則目諛之論勝于按
圖作記者爾今采賦注所引逸文悉錄於此使攷鴈山故實者
有所據依不至如胡曾諸志之重性馳謬也

明

胡氏

汝寧

鴈山志

四卷

存

翰林院儲明槧本
遜學齋藏鈔本

樂邑在浙東南之濱其山脈自天台迤海上至此則石骨嶙峋龍從嶺
萃奇形怪態刻削天巧海內好事之士爭慕之卽不獲遊亦必索圖志

以髣髴觀其山川之勝然每以刻久字剝不便觀覽爲恨余治樂之二
年適兵道唐公出示察院馬公鴈山紀勝詩三十韻命刊入志前且令
考舊志仍加錄明余遂求先續二志及近日詩文若干卷統皆翻刻以
不負唐公之命而得縱目於騷人詞客之所爲大都誇詠其瑰巖絕特
之狀登眺臨觀之美亦云備矣而新安樸溪潘公一序獨切切焉慮民
疲於奔命之艱先是置之末簡余竊謂古人之用心果好異乎昔齊景
公欲爲轉附朝儼之觀而晏子進以興發補不足范文正公記岳陽樓
以直寫其江湖廊廟之憂蓋士君子致君澤民之猷負之素定誠不以
玩物遷也公之意其在斯歟公前樂清令也余去公遠不及盡得其當
時治樂之所設施然傳者謂公誠心愛民靡事炫飾觀此益信不然昔
今之令樂者凡幾而公民有專祀歲時奔走不懈豈人力也哉因移其
文升於山志之首是役也博稽精校蔣生國輔林生有鳳與有勞焉得

併書之時萬厯辛巳秋八月之吉南昌胡汝寧識

廣鴈蕩山志凡例嘉靖閒朱諫輯鴈山志四卷章平梅侯一元爲哀續集至萬厯時邑侯胡汝寧合刻之傳其略耳

萬厯溫州府志七樂清知縣胡汝寧南昌人進士萬厯十一年任陞吏科給事中

案胡知縣鴈山志余從翰林院所儲明刻本傳鈔

四庫全書提要因首載

潘潢敘誤指爲嘉靖朱志辨詳十二卷朱諫鴈山志下

其書合朱章兩志爲一帙而刪其

人物一門并補正其闕誤胡氏自敘謂翻刻二志實不然也其

書首爲山圖次山名及四谷山水勝蹟次寺觀而附以仙釋次

物產次詩文其攷證頗多疏舛如薛文憲鴈蕩山賦注陳州商

水人陳覺游山遇入定僧爲說法

長齋偈語集三

此書仙釋門載其事

乃以覺爲陳州商謝靈運石門山夜宿石門諸詩乃處州青田

石門山此書以爲卽鴈山石門而收其詩至於詩文一卷裒然

巨冊實居全書之半亦不出地志家廣輯藝文之習不徒采薛

賦注爲無名氏鴈蕩山記注釋謬陋而已

詳上章望之鴈蕩山記下

明槩本

書首又增題咏詩二十七葉爲原目所無首爲馬象乾鴈山紀勝詩三十韻自敘謂兵道唐某所付刊此外尙有天啟丙寅督學樊良樞崇禎元年濟南張延登崇禎甲戌東蜀喻思恂及知縣徐待聘諸人詩覈其年月並在胡後非所及見蓋後人又有增刊非胡志舊本也

又案千頃堂書目八載蔣國輔重修鴈山志無卷數今未見其書此志自敘稱博稽精校蔣生國輔林生有鳳與有勞焉疑黃目所載蔣書卽此志箸錄家偶誤題耳然通志府縣志並載其目今仍錄於內編而增識其疑於此

徐氏待聘 鴈山志勝千頃堂書目八作鴈山志雍正浙江通志二百五

總目七十六

四卷四庫全書總目七十六千頃堂書目八

未見

四庫全書總目七十六鴈山志勝四卷兩淮鹽政採進本明徐待聘撰待聘字

廷珍常熟人萬厯辛丑進士官至按察使副使是編乃其官樂清知縣時所撰卷一爲山之名勝及人物土產雜事二卷三卷皆佛剎四卷則所自作詩文也其凡例有曰舊志凡詩賦題鴈山者或以臨蒞或以要津皆旁搜而詮之而文之微占於山者亦聚焉又有欲世識其名者賂剗氏私刻攙入真贋竝收薰蕕莫辨山靈有知定當作嘔今皆刪去云云其言可謂深中地志之陋習然舊作雖已汰除而又獨錄已作一卷其亦尤而效之矣

萬厯鴈山志一琴川徐待聘號紹虹員外前樂清知縣

萬厯溫州府志七樂清縣知縣徐待聘常熟人進士萬厯二十九年任
調繁上虞縣

氏 氏 僊巖志

十卷

存瑞安項氏
藏明刊本

今神州赤縣爭詫賞洞天福地爲仙踪奇閣東海故靈區也瑞邑匯海
鍾奇突有仙巖稱福地二十六云夫天台以赤 清之奇爲寒山子

燒 竈豐千饒舌遂動閭邨太守之訪屬名則以龍湫簪雷轟雪舞從

空曳澗諸詎那尊者宴坐而收濛濛之雨作川上觀抑又奇也乃縉雲
爲軒轅煉鼎處遂駕火龍而昇化爲草奇矣百一稱仙 也仙巖偈天

不 即不敢執牛耳與天台諸勝爭狎長之盟而懸崖峙笏

飛瀑噴珠陶隱居之丹蹟依稀在焉至今嶺上白雲閒飄縱猶冉冉
襲人衣裾也喜樹環臺流觴坐蓮抽芳可觴可詠不改蘭亭風
致而立巧玲瓏之洞翠紆岩鬱之磴皇井帝池與安禪伏虎遺址
若隱若現於逋雲出卷之塢遙眺突崖盤曲則止齋先生讀書臺也風
朝雨夕松籟虛清恰吾伊出喉閒響焉蓋亦一大奇島也繡錯自致
布武可收鎚鑿謝公之勞濟勝省玄度之具奇處政在几席之間恨
肥腸熱中隨緣話笑不領畧此中佳趣而達宦輒使自謂正壑風流亦
且興致開落竟不能以臨風紗帽輕付之前清谿白石訂奇緣之知己
又可也開來地不少奇勝游自罕奇入耳雖然奇固不在佳山水
也斷崖濺沫疊翠空青能以鬼斧之變幻錯而供文人七寸之揮霍則
地奇而句裁其鑠字琢其珠以夢花之大筆手腕以繪其骨立流之
眞面目拳石清漣自我不朽則人更奇是集也以學博先生與山人

公翰 爲訂先生品地奇特唐音晉墨翩翩風雅前無作者與山人博致足相賞也迺搜所經載 哀所未覩雲 霞斐闕致競情無不然作天際真人想一披閱焉 力所經若晤故友卽展齒未涉恍聰鸞笙齋心煮茗酌此山靈其坐領清福當不數少文山人之臥遊矣崇禎癸酉 季秋穀旦仙陽九溱李燦箕漫書

無名氏平陽前倉鳳山志

一卷 述古堂書目三

未見

平陽縣鳳浦埭志 乾隆平陽縣志十九作平陽鳳浦埭志今從述古堂書目三千頃堂書目八

一卷 述古堂書目三

未見

千頃堂書目八平陽縣鳳浦埭志一卷不著撰人

國朝

周氏

清原

游鴈蕩山記

秦瀛己未詞科錄二作鴈蕩山游記雍正浙江通志二百五十三乾隆溫州府志二十七並作游鴈

蕩記今從刊本

一卷

雍正浙江通志二百五十三

存

吳震方說鈴本馬俊良龍威祕書本

雍正浙江通志二百五十三游鴈蕩記一卷兩浙學使周清原著

己未詞科錄周清原字雅楫一字浣初號且樸又號蝶園江南武進人國學生由左春坊左中允董訥薦舉授檢討歷官至工部侍郎著有鴈蕩山游記

案周蓉湖康熙二十七年以左春坊左贊善督學浙江

見雍正浙江通

志一百一游鴈蕩山記即其按試溫州時所作記止七葉以所述

覈之蓋塵靈巖大龍湫諸處未能窮十谷一百二峯之勝也

釋實行

鴈山圖志

四庫全書
總目七十六

未見

彭維新敘崑崙之有五色也蓬萊之有九氣也華嶽之有三峯也舉世而知之也無論已其次則鴈蕩台山膾炙天下而台山之勝清真寂寞息心養道者之所居也惟茲鴈蕩嵯峨秀麗蔚然可觀余思之慕之欲一登臨而不可得者乙巳歲奉命視文風於兩浙次及溫之樂邑場事畢而遊觀之興勃然其難遏矣於是首至能仁長老主席者紹興山陰林氏子也諱實行字奕菴得法於台之黃邑瑞崖克文和尚余觀其氣象雍穆扣之知爲有道禪人遂相與莫逆同遊十餘處見夫奇峰疊出怪石驚人雲樹示空中圖畫烟蘿著域外文章瀑布作聲靈禽欲語余喟然嘆曰此天設也地造也何令人賞之玩之徘徊而不忍去也余亟索其圖志奕公曰圖志之湮沒也久矣余曰惜哉越二年再任浙藩

奕公以新輯圖志見貽余細玩之不啻重遊勝景而千妍萬秀如在目前也余愛不釋手奕公曰今圖志雖新不可無一言以傳聞以其師中興瑞嚴碑記爲請余欣然諾之嗚呼山運之有隆替也亦猶人事之有盛衰也事有盛衰得其人而舉之則一言一行可以垂百世運有隆替得其人而傳之則一邨一壑可以光萬古是志也得奕公而傳之此山不朽矣愧余不文而弁其首徒有玷於山靈云爾

廣陽蕩山志二十六

宋鰲敘昔謝康樂爲永嘉守癖於山水搜奇獨失鴈蕩至宋祥符中名始著豈勝地顯晦亦自有數耶夫邑有名勝天地之靈異鍾焉莫不有魁奇特出之材照耀千古而人與地而俱傳故鴈蕩顯而卽有王梅溪挺生其閒幾與武夷之有朱晦翁比美無窮焉而章恭毅之忠正不阿又其後先相輝映者爾余三湘九疑人也未嘗不愛佳山水適奉命來宰是邑凡夫城郭邨堡市井溝渠屈曲面勢一一皆當指識以爲治

畧焉有名山在望而可漠然遇之者乎政稍暇嘗一登其巔選幽探奇
目不給賞然後知稱浙中山水之勝者必以鴈山爲美具難并良不誣
也舊故有鴈山圖志然年遠漫漶不可測識因喚匠一爲洗剔重梓而
新之都人士咸問序於予予惟志之有圖自朱敏求長安志始而鴈山
圖志之有十八剎自唐釋一行鴈山十八剎序始將使覽勝者握一卷
之書而如歷其境雖風雨廬中足當臥遊藉以慰風人逸士之思而且
使邑之人爭自濯磨以追蹤前哲無俾山靈有今不古若之嗟則勝地
之顯賴傑人以不晦是又守斯土者所厚期也夫

廣鴈蕩山
志二十六

朱椿敘閒嘗攷寰宇記名山皆有志大都甲乙洞天品藻嚴整好奇之
士孳刷流行傳移紛博歲時閱逾往往鏤板敝竭墨譌文缺觀者憾焉
然而事紀景勝體製別於國乘有司每以補綴修輯爲後而圖志或浸
廢理勢固然也浙東山水甲天下歸宿結奇獨在鴈蕩其有圖志由來

舊矣然地濱海嶠千盤萬仞世罕有津逮咸手其一冊爲快相傳山高
四十里上有湖十里惟鴈宿焉東西內外谷四古寺十有八龍湫大小
中別爲三峰百有二名泉六巖三十一奇石三十三潭十四古洞十有
三凡溪池峽澗巖門屏嶂譎怪變幻更僕難數予聞而竊慕之十六年
辛未冬奉 命來甌括越明年訪俗至樂清而鴈山去縣東鄉九十里
取道得次游覽東望溫嶺北眺蒼山其西連左原南達玉環誠震旦之
輿區南戒之巨麗俯仰愕眙與向所聞合而有加焉遊屐縱未徧歷亦
得放懷大觀歎爲奇絕乃按其舊志所謂墨譌文缺漉漫不可揣索今
楚南宋君來署是邑增修舊志已於事而竣披圖考訂流覽豁如足以
傳觀天下昔宋樂清尹周邠以鴈蕩圖寄蘇子瞻一時傳爲美事愛奇
之志與復古之心同耶不同耶予述其梗概俾知浙東靈境歷代詞章
不爲斷簡蟬穴所隱修輯之功不可謂無補至於洞天福地崖壑爭奇

爲士夫所弭節翺翺風雅激宕豪俊弔金碧之廢興尋緇黃之故躅甲

乙品藻箸爲文辭前人之述備矣予不復序云

廣陽山志二十六

俞文漪敘東甌多佳山水而鴈山爲最王梅溪產於其鄉有鴈山五經眼茲行尤可觀之句則知崇岡疊嶺千態萬狀實有引人入勝者余守郡三載曾未一經眼焉聞有圖志數卷東西谷有十八剎靡不盡繪以是爲可供吾臥遊也乃板以年深剝蝕按其字畫幾如摩挲石鼓不可測識豈俗吏終爲山靈所鄙耶客冬宋君洪川來是邑公餘取舊志而新之而全山真面目遂躍躍楮墨間予披而覽之如睹瓊臺天柱諸峰拔地倚天而烟霞變幻也如登飛泉游淨名曲徑通幽霏法雨而注慈雲也炎節凌歊身如坐紅爐中蚊如蠅差小驅之不去忽見龍湫瀑布懸崖千尺恍風颯颯至濺珠飛雪於几案間也斯亦奇矣然余於此重有感焉古者建邦之土地掌之大司徒而山經地志徵文考獻一方之

風土人物係焉是志也者誠涖茲土者所有事也鴈山乃樂邑一隅耳而通郡名勝未易更僕數今山圖固粲然矣而郡志失修者垂七八十年其漫漶甚於山志未修時倘聽其日就湮沒使後之嗜古者無爲考鏡資謂非守土者之責歟余用是懼滋甚若云遊也則昔胡康侯恐妨職事且望衡嶽而弗登卽山水之癖如謝康樂而蠟屐所經猶遺鴈蕩矧余乏作賦才而觀山玩水之急急乎廣鴈蕩山志二十六四庫全書總目七十六鴈山圖志無卷數江蘇巡撫採進本國朝僧實行撰實行字奕菴山陰林氏子居鴈山能仁寺因搜羅名勝編次成書首鴈山十八刹皆有圖次山水諸說次藝文

右山川古蹟

宋

汪氏

季良

平陽會

萬厯溫州府志十七作平陽會書今從直齋書錄解頤五

四卷

直齋書錄解題五

伏

葉適敘玉山汪子駟知平陽守法以便民不奪所見不屈所行慎刑簡役既去而民思之思之尤者曰能爲民推核其賦之當輸銖合必實色第目別多寡貧富不妄贏縮板以付之使自至民不求吏官不失賦又爲之建置所利縱捨所思始終汲汲以民爲家至於學宮縣舍皆新治焉不獨有是心亦其力能行之也一縣會計天下同有也所以取民必有正也取而不得已必有寬也有正義也有寬仁也末有不繇仁義而能使民思之者也觀是書者可以知其志矣

水心文集十二

直齋書錄解題五平陽會四卷通直郎知平陽縣汪季良子駟撰平陽號難治爲浙東三陽之冠季良治有聲迺以一邑財計自兩說而下爲二十一篇終於歲會旁通沿革本末大略備矣又爲外篇五條如砧基

副本催科檢放及書手除科敷之類以爲此財用所從出也季良端明應辰之孫佳士且能吏也得年不永士論惜之

案汪知縣季良雍正浙江通志名宦傳萬厯溫州府志治行傳並有傳

明

蔡氏

逢時

溫處海防圖略

二卷

四庫全書總目七十五千頃堂書目入

存

四庫全書總目七十五溫處海防圖略二卷

浙江汪啟淑家藏本

明蔡逢時撰

時字應期宣城人萬厯庚辰進士官溫處兵備副使溫處爲兩浙海疆門戶明季倭寇出沒號曰要衝逢時此書作於萬厯二十四年皆據當時文移冊籍編次成帙凡地形船械以及戰守選練之法無不畢載共

爲圖四子目四十有三

李氏如華

溫處海防圖略千頃堂書目入題李汝華今從明史藝文志二

二卷

明史藝文志二千頃堂書目入

未見

案李如華官秩籍貫並無攷

無名氏溫州水利

四卷

千頃堂書目入。述古堂書目四作一卷

未見

國朝

沈氏

雍正平陽學校志乾隆溫州府志二十七

未見

乾隆平陽縣志十一沈雍康熙二十六年教諭課士有方手輯學校志

案沈敎諭雍乾隆溫州府志乾隆平陽縣志名宦傳並有傳

右經政

明

劉氏

球

卓忠貞傳

千頃堂書目十

存錄二

明史一百六十二劉球字廷振安福人永樂十九年進士授禮部主事王振銜之下詔獄屬指揮馬順支解之景帝憐球忠贈翰林學士諡忠愍

愍

案劉忠愍卓忠貞傳見忠貞錄二今所傳寶香騎虎事卽出是傳明史本傳亦全本之然忠愍子鈺編兩谿集乃未載疑當時革除之禁未開故有所諱也

鄧氏

淮

鹿城書院集

四庫全書總目大

十一千頃堂書目入

溫州府志

外編卷下

未見

自敘國家尊崇正學以隆世教凡儒先與聞斯道者類爲建祠則夫程朱張子之高弟常致力於性命道德之懿而又同出於一郡者不特舉而專祠之其何以風勵後哲者哉夫溫之號小鄒魯也久矣鄒魯之後千有餘載而後程朱張子者出倡明道學以傳諸其徒然旁觀列郡少或二三人多止五六人蓋未有如溫之眾者今考之在程門者十有一人朱門亦十一人南軒之門一人焉其更相授受往復之書具在而其遺言緒論猶有存者況我朝編輯五經四書性理諸書其語錄文集內有發明經註者悉見采錄則其有功於道學亦大矣故予假守此邦寤寐諸儒而推本其所師卽欲爲創書院採摘其行事問荅彙爲一帙而同寅李君增劉君塘何君鼎皆諱其事於是白於侍御陳公秉衡憲副林公舜舉趙公栗夫悉蒙嘉諾而藩臬諸公無間言焉永嘉令汪君循

乃相厥費度材擇良於鹿城卜吉孟春不五越月而書院成尊程朱張
子四先生南鄉其高弟門人東西鄉以侑焉師友一堂宛然當時氣象
非徒以觀美也於以闡其淵源之所自表正學也於是父老攜杖往觀
者皆嘖嘖歎曰自宋以至於今幾三百年而始一見後學之入其門升
其堂者徘徊瞻顧如諸儒之在前而其景仰自不能已矣夫以聖朝學
校遍天下若無俟於書院者然前賢往跡風教所關況程朱張子及門
之士又非餘子可例論者乎故書院落成卽採溫之有志於學者討論
其中使密邇諸儒興起其善則此邦正學之傳不待外求而自有餘師
矣此書院之所以創也嗚呼書院創矣而諸儒之事行問荅未之統一
學者難於遍覽爰命郡邑諸博士采輯數月始克成編復謬加改正梓
示同志曰鹿城書院集使皆得以讀其書思其人而尙論其世焉然則
書院之集又可已也哉淮狂僭之罪誠無可逃然表正學以正人心則

愚於此實拳拳云

乾隆溫州府志二十八

王瓚敍歲重光作噩夏鹿城書院初成郡守吉水鄧侯淮集僚屬潔牲醴以落之祠宋程朱張氏四夫子以溫嘗從學者二十三人侑焉旁列齋室將以居邦之願學者章逢駢趨眾庶企竦以爲盛舉夫嶽麓應天石鼓白鹿凡以書院名者悉聚徒肄業爲闡道植教之地弗崇祀事也而今緣祀事而爲之則其意亦微矣道具於六經散載於羣賢之籍而實原於吾心有志者皆可力探而神會之然人之庸情必藉風勸而後自振拔必藉啟掖而後始懋勉以進程子鳴道於河雒朱子鳴道於武夷南軒鳴道於潭衡之間孔孟以還莫斯爲盛而吾鄉先哲不遠數千里而往從之爲是道也是道也求則賢舍則愚先哲以求者孰非吾所當求者乎使時有如四夫子者吾亦往焉時微四夫子則其師徒問荅粹言緒論猶有紀者吾而誦其書式其人想光儀於一堂以冥挹其

授受之譬欬耳如真聞目如真見因不二之性靈究本同之闡要自獲
闡斯道之藩籬而窺其堂室不待外搜遠覓而聖賢之業存焉蓋所以
恢拓教基揭示學的無條約而罕無言令而喻矣嗚呼此鹿城所以有
書院也此表章先哲所以爲後學計也自慶元迄今幾三百載才彥之
生常常有之顧其所謂學者役精斲思鍛鍊風物而自爲雄長稽式揣
似鋪飾枝蔓而馳狗時好言與心攜心與道貳河雒武夷之實學荒落
湮鬱疇克醒悟而還諸舊軌侯惠我邦以敦化正俗爲首務是宜加之
道德之際而邦之理學始有勃然中興之機矣書院旣成爰掇先哲事
行問荅之概類爲一帙侯自爲首序旣詳至矣而復命某識其後某鄉
後學也正處誘掖風勸之中者也觀禮階下肅容興敬謹推侯之意以
諭諸同志且以自詔焉

慎江文徵
三十二

四庫全書總目六十一鹿城書院集

無卷數 浙江巡撫採進本

明鄧淮撰淮吉水

人成化辛丑進士宏治中官溫州府知府以南宋時溫州之士游二程張朱之門者有周行已等二十三人乃命永嘉知縣汪循卽鹿城建書院祀二程張朱而以行已等侑焉復輯諸人誌銘家傳及其遺事緒論見於志書語錄中者彙爲此編雖亦講學家標榜之書然永嘉學派頗異新安淮不分門戶於其閒則視黨同伐異者其公私相去遠矣

黃氏

公瑾

地祇上將溫太保傳

道藏目錄詳注三

存道藏本

道藏目錄詳注三孝字號地祇上將溫太保傳補遺附黃公瑾述太保姓溫名瓊字子玉乳名卓郎溫州平陽人也蓋太保威靈顯化傳內甚詳

案黃公瑾時代籍貫無攷溫太保傳收入道藏今未見其書以

道藏目錄所述駁之與宋濂忠靖王廟堂碑所載大異宋文獻集四十

七 未知孰信也

右人物

朱

韓氏 彥直 永嘉橋錄十五並無永嘉二字今從宋史藝文志四

三卷 直齋書錄解題十宋史藝文志四庫全書總目一百十五

存 左圭百川學海本

橘出溫郡最多種柑乃其別種柑自別為八種橘又自別為十四種橙子之屬類橘者又自別為五種合二十有七種而乳柑推第一故溫人謂乳柑為真柑意謂他種皆若假設者而獨真柑為柑耳然橘亦出蘇州台州西出荊州而南出閩廣數十州皆木橘耳已不敢與溫橘齒矧敢與真柑爭高下耶且溫四邑俱種柑而出泥山者又傑然推第一泥山

蓋平陽一孤嶼大都塊土不過覆釜其旁地廣袤只三二里許無連崗
陰壑非有佳風氣之所淫漬鬱蒸出三二里外其香味輒益遠益不連
夫物理何可攷耶或曰溫並海地斥鹵宜橘與柑而泥山特斥鹵佳處
物生其中故獨與他異予頗不然其說夫姑蘇丹朶與七閩兩廣之地
往往多並海斥鹵何獨溫而又豈無三二里得斥鹵佳處如泥山者自
屈原司馬遷李衡潘岳王羲之謝惠連韋應物輩皆嘗言吳楚閒出者而
未嘗及溫溫最晚出晚出而羣橘盡廢物之變化出沒其浩不可攷如
此以予意之溫之學者繇晉唐閒未聞有傑然出而與天下敵者至國
朝始盛至於今日尤號爲文物極盛處豈亦天地光華秀傑不沒之氣
來鍾此土其餘英邁沒猶被草衣而泥山偶獨得其至美者耶予北人平
生恨不得見橘箸花然嘗從橘舟市橘亦未見佳者又安得所謂泥山
者乎之去年秋把麾此來得一親見花而再食其實以爲幸獨故事太

守不得出城從遠遊無因領客入泥山香林中泛酒其下而客乃有遺
予泥山者且曰橘之美當不減荔子荔子今有譜得與牡丹芍藥花譜
並行而獨未有譜橘者予愛橘甚橘若有待於子不可以辭予因爲之
譜且歆欲自附於歐陽公蔡公之後亦有以表見溫之學者足以夸天
下而不獨在夫橘爾淳熙五年十月延安韓彥直序

直齋書錄解題十橘錄三卷知溫州延安韓彥直子溫撰世忠長子也
四庫全書總目一百十五橘錄三卷

浙江鮑士恭家藏本

宋韓彥直撰彥直字子

溫延安人蘄忠武王世忠之長子登紹興十八年進士官至龍圖閣學
士提舉萬壽觀以光祿大夫致仕封蘄春郡公事蹟附見宋史世忠傳
此譜乃淳熙中知溫州時所作宋史藝文志焦竑國史經籍志俱作元
嘉橘錄卷數與此本相合文獻通考作一卷蓋字之誤也彥直有才略
而文學亦優管轄宋朝故事名水心鏡凡一百六十餘卷爲尤表所稱

今不傳是錄亦頗見條理上卷載柑品八橙品一中卷載橘品十八以
泥山乳柑爲第一下卷則言種植之法皆詳贍可觀陳景沂作全芳備
祖引彥直此錄謂其但知乳柑出於泥山而不知出於天台之黃巖出
於泥山者固奇出於黃巖者尤天下之奇云云蓋景沂家本天台故自
夸飾土產不知彥直是錄專記永嘉不當借材於異地也其亦昧於著
作之體矣

勞大與甌江逸志永嘉之士宜樹橘韓守彥直之譜足徵

案韓知州彥直雍正浙江通志乾隆溫州府志名宦傳並有傳
所著橘錄專紀宋時永嘉一郡所產上卷柑八種曰眞柑曰生
枝柑曰海紅柑曰洞庭柑曰朱柑曰金柑曰木柑曰甜柑而以
橙一種附焉中卷橘十四種曰黃橘曰塌橘曰包橘曰絲橘曰
沙橘曰荔枝橘曰藥條穿橘曰油橘曰綠橘曰乳橘曰金橘曰

自然橘曰早黃橘曰凍橘而附以朱欒香欒香圓枸橘自序所謂橙子之屬類橘者五種是也朱欒以下並非橘屬提要並載云橘品十八誤下卷述種植製蓄之法九篇曰種治曰始栽曰培植曰去病曰澆灌曰採摘曰收藏曰製治曰入藥紀述最爲詳備而文筆簡潔尤有陸疏嵇狀之遺自序謂欲附歐陽文忠牡丹記蔡忠惠荔枝譜之後殆無愧也至吾鄉所產橘種類蕃盛雖尙甲浙中而自宋迄今年代浸遠物產變遷此錄所載諸品多不能舉其名狀此尤譚橘官掌故者所宜稽攷矣

右物產

朱

無名氏鴈蕩山集

一卷

通志七

溫州聖壽志 外編卷下

佚

黃氏 仁榮 永嘉集

三卷 宋史藝文志八

佚

直齋書錄解題十五永嘉集三卷不知何人集

萬姓統譜四十七黃仁榮字擇之浦城人以恩補承務郎主秦州知

金谿縣累官直祕閣除度支郎中改浙東提點刑獄知秀州除兩浙轉

運副使加直敷文閣兩知臨安府移知贛州卒

萬厯溫州府志七宋紹興知溫州軍州事黃仁榮右朝請大夫知

李氏 知己 永嘉集

二卷 宋史藝文志八

佚

萬厯溫州府志八宋教職李知己

案李知己任永嘉教官見郭象輿車志一萬厯溫州府志秩官載於莫冲劉夙之前蓋紹興閒人也

又案宋曾宏父鳳墅法帖卷三刻有王梅溪書札一帖宋云十再拜上殿宮使舍人台坐不知與何人書也云永嘉集首以謝康樂詩中有楊公濟

百詠亦可以略見暇鄉風物聊資塗中觀覽云云曾帖宋拓殘本漢陽葉志

據葉所鈔釋文錄據此則永嘉集蓋專收題咏詩詞梅溪書

中不紀編集姓名其為黃本李本無可攷矣

無名氏樂清詩集嘉定赤城志四十

佚

案樂清詩集各史藝文志及諸家書目並未著錄惟陳貧窗赤城志四十辯誤門云謝靈運游赤石進帆海詩揚帆采石華挂

席拾海月卽其地也是詩已載樂清詩集矣知宋時本有是書
不知何人所編也

唐賢永嘉襍詠

佚

文淵閣書目十唐賢永嘉襍詠一部三冊闕

案唐賢永嘉襍詠文淵閣目不著撰人當亦宋人所編周氏慎
江詩類一錄唐人詩不盈一卷府縣志藝文門所載尤眇此書
明時所存亦非完本然尙三冊足徵搜輯之博今無傳帙可惜
也

明

謝氏

游鴈山詩

桃谿淨
案曰

佚

自序成化庚子予以憂解官南歸越三年始從吾叔父太守先生與一二布衣陳敬所郭筠心諸公登方巖望天台鴈宕蓋蓬萊三島諸仙人若可招而得謂極吾山水平生之好將自茲始矣未幾復有所掣不果遂明年乃遊塔山又明年謁番易應先生宿流慶寺先生曰吾老矣遠不可至若聖水諸公能相與一行乎又明年余秋厓存敬聞之請爲東道主以遂尋茲約濱行忍菴章公遣其子玄楨來邀登鴈山予重違番易之約未果也旣而番易以疾報遂輟存敬之請乃從太守先生偕敬所筠心嶼南諸公過忍菴所越宿度謝公嶺臨照膽潭入靈峰洞過靈巖觀天柱卓筆展旗諸峯至龍鼻水而止於是忍菴之從子黃門君來會旣暮抵能仁寺而止宿焉明日還過大龍湫觀瀑布望鴈湖絕頂相與咨嗟嘆息以爲天下之奇觀盡矣遂復由故道過忍菴而宿又明日乃歸九月十日也於乎鴈山在東南名天下舊矣吾相去不數十里而

往來于心者已不啻十數年乃不得一至暨其至也復輟聖水之行而後果豈茲山之遭亦固自有數邪夫以數則一山之遭且不易得然則吾人得以詩酒自娛於溪風山月之間以相與優游太平全盛之世者可不自賀其遭之大幸也哉雖然山水之樂在天地閒固取之不窮而得之無禁然極意之所向而過之亦皆足爲害又豈但富貴利達閒哉吾用是愧無以上酌所遭於萬一而又懼若茲山之遭樂而不知所極也敢質之同遊諸公與吾太守先生不識亦以爲然不聯句凡若干首其名氏各著於下方而凡諸同遊者亦得以次見焉

桃谿淨
卷四

台鴈唱酬錄

桃谿淨
卷六

佚

自序弘治丁巳秋敬所陳先生以觀郡志來過予予方議姻於忍菴章公之子達德達德之弟振德先生孫塤也遂以父兄之命參決定議爲

來秋之期及期敬所至而達德與其兄慎德以試事未歸因留以俟久之乃請怡雲止軒二叔父爲偕行予忝以舊姻故實從其後旣至而達德猶在杭忍菴公乃始主盟成禮而退蓋自敬所之來後先往復凡三十有四日燕笑晤言感事觸物心所不能自己者往往於詩焉發之予以猥廁其閒而章氏之名能詩者亦罔不在蓋已以慮百數十首敬所謂宜萃于一卷以存斯文世講之誼因取其無關涉者悉刪去之得一韻四十三首爲台屬唱酬錄予惟唱酬之義始於賡歌鹿鳴天保之作其來遠矣蓋非獨漢唐以下諸詩家之贈處和荅然也然皆以其意而未嘗以韻韻之次其宋之末造乎詩之唱酬而至於次韻一韻之次而至於累數百首詩之變亦於是乎極矣噫詩之變化無窮而人心之妙用亦相與無窮況夫義理之在天下者而可以有窮求之哉是詩之韻實始於貞肅公總山之作自公之沒五六年來凡大夫士之有事於茲

山者輒用公韻已不知其幾百首矣然未有盛於敬所之作者敬所之至類必有作然亦未有如今日之盛者蓋茲行也其事專其留久故其詩亦特盛云卷成遂以歸之慎德諸昆季俾藏之亦敬所意也桃谿淨明史一百六十三謝鐸字鳴治浙江太平人天順末進士南京國子祭酒禮部右侍郎卒贈禮部尚書諡文肅

汪氏

循

東甌唱和集

萬厯温州府志十七

佚

國朝

梁氏

章鉅

鴈蕩詩話

二卷

存

道光戊申刊本

余於客冬就卷東甌甫入郡齋卽作游鴈蕩之想而次兒丁辰由京請

假來甌省視亦急欲侍游值學使者趙蓉舫先生按試溫州恭兒以提調試事遲至季春下旬始竣乃刻期挈同登舟並約在城衛守備廖菊屏壽彭幕中客馮芝巖懋凡五人菊屏詩人芝巖畫師也鴈蕩在樂清轄內樂清令蔡子樹琪爲蔡柳堂刺史維新之子刺史本受業於余故子樹執弟子禮惟謹且甚樂爲導游主人遂往來俱寓邑署阻雨署中者一日雨未晴而冒雨登山雖雨而不甚眞貫休詩所稱濛濛者故於游事無礙初由芙蓉村踰丹芳嶺入能仁寺觀元祐鐵鑊急尋大龍湫路滑而險同人皆易輿而兜又舍兜而步余亦勉從之度馬鞍嶺由西谷達東谷歷常雲峰列仙嶂履雲闕騰嘴峰紫薇嶂遂達靈巖靈峰圖經所謂一靈也入安禪谷觀龍鼻水小龍湫憩於淨名寺次日又歷鳳皇門雞靈芝雙筍諸峯陟羅漢洞徘徊久之出洞度謝公嶺望見老僧巖順途躡石梁洞迤邐而至大荆遂出東外谷寓大荆行館又次日過

清江渡遵海而回蓋在山中實三日合來往程途其七日回郡齋後補作游記一篇七言長歌一首適門下士邵陽魏默深刺史源亦爲游鴈蕩而來留住署中者三日旣讀余記與詩問余何不作鴈蕩詩話余曰客冬初到此閒卽欲作東甌詩話居之月餘知城中難得借書之家亦無可談藝之友廢然而止今若勑爲鴈蕩詩話則此山晚出前人題詠寥寂恐成書益難默深曰曷不試爲之宋人如呂本中之紫薇詩話周必大之二老堂詩話亦不過數十條成卷事因難而見巧物以罕而見珍以我公爲之當無不成書之理也時適得曾唯所輯廣鴈蕩山志詳贍爲各舊志之冠蓋游山時惜未及見者因卽詳繙此志有與詩事相涉者披卻導窾搜沈掇淪參以旁書緯以已意費月餘日之力次成若干條以示廖菊屏復爲勘補一過覆視之亦自斐然可觀因付鈔胥錄成小帙或可增導游之助亦閒補志乘之遺惟默深遠在維揚不獲與

之並凡賞析爲可惜耳道光二十八年歲次戊申重陽日福州七十四
叟梁章鉅撰於東甌郡署之樹德堂

苴林前輩以令嗣敬叔太守權篆東甌迎養至署去春偕敬叔昆季往
探鴈蕩之勝旣作紀遊數千言復製長歌一篇一時和者如雲琳瑯盈
篋蓋公以潞國之年具少文之興而繞膝又皆靈運惠連悉工吟咏故
靈璫旣陳宮徵迭應卽深閨淑媛亦奏璫章固宜佳話爭傳不徒爲此
山增重已去年余歲試由溫至台擬同游鴈山未果持節先行匆匆登
眺不及備攬勝概今年科試復至東甌將乘輶車之便再入鴈山一觀
龍湫飛瀑公因出示鴈蕩詩話二卷不鄙謫陋屬爲之敘夫鴈山晚出
僻在海隅名章佳什唐以前無聞謝康樂出守永嘉近在跬步今全詩
具在惟過斤竹礪一首礪爲鴈山外戶當時蓋未深入一窺堂奧故無
詩卽東谷謝公嶺或謂爲游屐所經亦附會無據至諾具那尊者卓錫

開山而唐貫休有鴈宕經行龍湫宴坐之句實爲此山題詠所自始所
惜者以東坡曠逸之致僅題周邠鴈蕩山圖寄意曾未得與匡廬開先
同形篇翰蓋登山流覽未必皆橐筆之才卽境嘯歌或時少褻糧之興
兩美必合古今所難既有其人復有其詩若非彙集成編將愈散佚無
攷此公所以掇拾畸零極意搜羅弗因前賢名作無多而遂已也此編
一出吾知山水有靈亦驚知己古人可作定許同心而公之高吟逸致
無負雅游當與名山共傳不朽已倚裝披讀旣幸導游之有資且佩公
攷訂之精而采摭之廣也謹書數語篇端是爲敘道光己酉四月初日
昆明趙光書於東甌試院之澄觀堂

人靈萬物參三才使光岳川谷靈淑之氣無人領其勝則萬古寂寞而
天地爲虛器東南奇秀山水推黃廬台蕩再南則武夷桂林惟廬山當
江湖四達之衝天台爲仙佛託靈之所自漢晉卽著名黃山鴈蕩武夷

則皆至宋始顯而唐以前闕然寥然雖以謝客守永嘉而未闢廬山之
庭奧柳州謫嶺南桂林其必由之道而無一語及之山川顯晦不以其
時哉然武夷之盛簪以朱文公作精舍記及九曲棹歌紀其勝乾道間
士大夫訪朱子者兼訪武夷於是名勝與台廬抗而鴈蕩黃山桂林則
至今無人能專擅其美如朱子之於武夷白蘇之於廬山謝柳之於浙
粵山水者是則游屐雖通題泐雖眾而其人其文章不足以配山川則
山川亦終不屬其人寂寞如故也虛器如故也吾師長樂梁夫子生長
武夷之鄉持節桂林晚又就養溫州郡署皆山水奇絕地慨鴈蕩僻處
天末旣題詠之又輯詩話表章之於是峰壁洞壑泉石無不雲滃瀑飛
於墨素閒真可臥游而眾山皆響且生平文學政事軼謝客柳州而上
他日話東南山水者以武夷屬朱子以匡廬屬太白東坡以鴈蕩屬長
樂梁公無疑也獨是桂林山水甲天下而至今無所專屬且圖志寂寞

視鴈蕩缺憾尤甚騷人韻士多有欲臥游神往其閒而不可得者吾師駐節數載蓋以補山川千古之憾亦如鴈山遭遇之幸乎謹書所懷以質左右蓋又將請益於將來也道光二十有八載門下士邵陽魏源謹序

右藝文

宋

劉氏

士英

永嘉守禦錄

水心文集二十九

佚

葉適跋右劉教授永嘉守禦錄錢君德載刻於州學往歲王師北伐德載與劉平國援此論其守謀增陣浚隍預儲擬以待非常既虜復請和事亦已然君之志不可誣也今遂刊布其書甚善不惟郡人當安不忘危且使無寓人修牆屋猶知任拒守之責而況於保障捍禦之臣乎

水心

文集二
十九

案劉教授士英宋史忠義傳七雍正浙江通志忠臣傳萬厯溫
州府志治行傳並有傳宣和間方臘寇溫州士英與郡人石礪
等拒守凡四十餘日守禦錄蓋紀其事也

黃氏勻顯應集乾隆溫州府志
二十七題黃句

佚

乾隆溫州府志十七宋教職黃勻編顯應集

案黃勻萬厯溫州府志秩官門載於徐鳳之後

徐鳳嘉定間刊
止齋集見正德

本止齋蓋嘉定以後人顯應集蓋紀鬼神靈應攷府志祠祀門

永嘉城南廂顯應廟神張姓宋宣和間禦方寇陣亡或即此神

也

國朝

勞氏大輿 甌江逸志

一卷

四庫全書
總目七十七

存

說鈴本龍
威祕書本

四庫全書總目七十七 甌江逸志一卷

大學士英
廉家藏本

國朝勞大輿

案甌
作輿

撰大輿字宜齋石門人順治辛卯舉人官永嘉縣教諭是編前紀溫州
舊事後記其山川物產大意欲補郡乘之闕故命曰逸志然据拾未富
且皆不著所出未為精核至謂錢玉蓮為娼女更齊東之語矣

案勞宜齋甌江逸志

乾隆平陽縣志
坦周震二條作東甌逸志誤

凡五十六條

襍記瑣事而不著所出書難以依據其間偶有援證又多不得
其原如蠲紙條引廣輿記謂吳越時供此紙者蠲其役故名而
不知五代史何澤傳有唐明宗免戶部蠲紙事陶弘景永嘉邑
居圖條引郭若虛畫論而不知郭書本名圖畫見聞志原作陶

景真永嘉屋邑圖不云貞白

景真南齊人見張彥遠歷代名畫記一

裴孝源貞觀

公私畫史一又載作宗炳若此之類並未詳覈惟劉衡山懋功

道雷震孔道人一事引閭然堂類纂其書爲今所罕觀

劉衡山永嘉人

此書疑亦溫州人所著然亦不著撰人不足以補志乘之闕也

孫氏同元

永嘉聞見錄

二卷

存

案孫同元字雨人仁和人嘉慶戊辰舉人道光中任永嘉教諭

右襍志

溫州經籍志外編卷下終

餘杭鄒守拙校

溫州經籍志外編卷下

三

温州經籍志辨誤

瑞安 孫詒讓 編

經部

葉適周易述釋一卷

胡一桂周易啓蒙翼傳中宋史藝文志一經義考三十二〇雍正浙江通志一百四十一乾隆温州府志二十七嘉慶瑞安縣志九並據宋志收

宋史藝文志一葉適習學記言周易述釋一卷

咸豐永嘉縣志二十按直齋書錄解題有述釋葉氏易說一卷適爲習學記言易居其首門人建安袁聘儒述而釋焉據此則易說卽習學記言中說經之一述釋爲聘儒所撰不得仍被以適名諸書皆沿宋志之誤

案宋元學案五十四袁聘儒建安人紹熙進士水心之徒嘗述水心易說國史經籍志一葉正則易說一卷閩人袁聘儒釋攷今所

傳習學記言第一卷至第四卷皆論易袁氏述釋止一卷蓋略詮精要不全釋也其書今無傳本經義考三十二既載葉適周易述釋又載袁聘儒述釋葉氏易說蓋誤分爲兩書翁方綱經義考補正二謂宋志云葉適習學記言周易述釋一卷則葉適之書自名述釋通攷云述釋葉氏易說一卷陳振孫以爲袁聘儒述其師葉正則之書則袁聘儒之書別名述釋葉氏易說亦強爲分別誤與朱同舊志沿宋志之譌湯氏永嘉縣志藝文錄刪之是也

王十朋泰誓論一篇

經義考九十五○道光樂清縣志十一據經義考收注案梅谿集作武王論

案武王論見梅谿前集十二文止一篇並非單行箸述經義考之例凡說經之文見於專集者雖零篇散句亦所不遺因此論中辨泰誓序惟十有一年之文遂析出著錄而改其題爲泰誓論然此在朱考則可至地志書目本非專考經義而亦襲其例則別集中

所載之文能盡錄其目乎舊府縣志此類實多皆由不知宋考之例主於蒐羅經義與他書目不同遂誤行收入今並刪之

史浩尙書講義二十二卷

宋史藝文志一〇乾隆溫州府志二十七據宋志收

案史浩字直翁鄞縣人官至右丞相宋史三百九十六有傳尙書講義淳熙十六年浩爲太傅時所進見玉海三十七引中興館閣書目與溫州無涉府志誤收今刪之

又案此書雍正浙江通志二百四十一亦箸錄浩爲鄞人通志錄全浙經籍自宜收入故不在辨例此後浙中箸述通志所收非誤題溫州人者並不箸謹發其凡於此

蔣允汶尙書通考

乾隆溫州府志二十七乾隆永嘉縣志二十三

案蒼巖蔣訓導允汶萬厓溫州府志理學傳乾隆永嘉縣志儒林傳並有傳攷東甌詩集六錄蔣文質詩一首注云字彬夫永嘉人

號蒼巖所載字號並與允汶同而名特異王齋自撰壙志

瑞安王氏錄本

云年二十執詩登蒼巖先生蔣公文質之門而卒業焉則文質卽蒼巖無疑其作允汶或入明以從所改也蒼巖籍貫各志與詩集並云永嘉然陳高不繫舟漁集十二蒼雪軒記云蔣君文質舊居栢之青田其後僑居永嘉今年秋予至三山訪君於郡庠之寓君曰自吾去鄉而居溫居閩今三十餘年矣云云其所述與舊府縣志稱蒼巖值元季避地閩中踪跡亦復符合則蒼巖本貫青田流寓永嘉所著書卽不宜收入此志萬姓統譜八十六千頃堂書目三宋元學案六十五並云蔣允汶永嘉人蓋沿萬厯府志之誤今刪其著述而附攷其姓名籍貫之異俾後之紀吾鄉人物者無爲舊志所誤也

何逢原詩通旨

乾隆溫州府志二十七

案梅谿後集二十九何提刑墓誌載逢原著述不言有是書乾隆
永嘉縣志經籍門亦不著錄攷浙江通志一百七十七何逢原字
文瀾分水人咸淳中累官中書舍人至元中薦授福建儒學提舉
辭不赴卒於家著有易詩書通旨四書解說玉華集若干卷據此
是作詩通旨之何逢原乃宋末嚴州人與永嘉何希深姓名偶同
府志遂誤切爲一人耳今刪之

俞德鄰佩韋齋輯聞詩說一卷經義考一百一十○雍正浙江通志二百四十一乾隆溫州府志二十七並據經義攷
收乾隆永嘉縣志二十三作佩韋齋輯聞四卷

案至順鎮江志十九元俞德鄰字宗大永嘉之平陽人宋寶祐中
父卓爲廬江令僑寓京口因家焉景定辛酉以書經魁鄉舉咸淳
癸酉以禮記魁浙漕歸附之初阿尤丞相解爲行省郎中不就卒
年六十有二自號太玉山人有佩韋齋文集十六卷輯聞四卷板

行於世宋學士集三十一俞先生墓碑

名希魯德鄰子

亦云先生之先居

溫之平陽大父某爲廬江令始遷鎮江父德鄰鄉貢進士據此是德鄰父卓始徙鎮江德鄰已爲鎮江人溫志卽不宜復收其著述且佩章齋輯聞四卷今世尙有傳本詩說十三條在第二卷內本非單行之書朱氏因采經義故析出箸錄舊府志子部不載輯聞乃收詩說於經部蓋未覩原書遂以詩說一卷爲輯聞全帙所謂重性馳謬者也今刪之

鄭伯謙周禮類例義斷二卷

五禮通考卷首二引宋史藝文志○通志府縣志並未收

案宋史藝文志一鄭伯謙太平經國書統集七卷鄭氏三禮名義

疏五卷

注不著名

又三禮圖十二卷江都集禮圖五十卷三禮圖駁議

二十卷儀禮類例十卷周禮類例義斷二卷自鄭氏三禮名義疏以下並無撰人名氏秦氏因其家上鄭伯謙太平經國書統集遂

亦指爲伯謙作殊誤今不據補入

林椅周禮綱目

周禮訂義序目○府縣志並未收

周禮訂義序目永嘉林氏椅有周禮綱目於開禧間曾進

案直齋書錄解題二周禮綱目八卷據說一卷紹興府教授枯蒼林椅奇卿撰何鏗枯蒼彙紀林椅字奇卿麗水人紹興庚戌進士以周禮爲周公經世之書乃隨類條列之名曰周禮綱目據此二書是椅塙係枯蒼人然東巖籙隸樂清其所著書不應誤仞他郡人爲鄉人疑椅或本貫永嘉僑寓麗水亦未可定然今無可攷證舊志人物傳及進士題名均無其名故不據補入

侯一元深衣辨一篇

經義考一百五十○道光樂清縣志十一據經義考收

案深衣辨見二谷集

經義考析出著錄樂清志收入經籍於

例未協今刪之

王與之祭鼎儀範六卷

宋史藝文志一〇道光樂清縣志十一據宋志收

案宋史禮志七徽宗政和三年用方士魏漢津之說備百物之象
鑄鼎九於中太一宮南爲殿奉安之崇寧四年八月奉安九鼎九
月朔百官稱賀於大慶殿鄭居中言亳州太清宮道士王與之進
黃帝崇天祀鼎儀訣皆本於天元玉冊九宮太一合於漢津所授
上帝錫夏禹隱文同修爲祭鼎儀範修成鼎書十七卷宋志五亦有王與之
鼎書十七卷祭鼎儀範六卷是作祭鼎儀範之王與之乃北宋亳州道
士宋志本有明文樂清志僅據藝文志之文誤以爲卽王東巖而
不復攷禮志疏舛甚矣今刪之

薛季宣伊洛遺禮

伊洛禮書補亡

萬縣溫州府志十七〇乾隆溫州府志二十七有伊洛遺禮乾隆永嘉縣

志二十三有伊洛禮書補亡

陳傅良伊洛遺禮

伊洛禮書補亡

雍正浙江通志二百四十嘉慶瑞安縣志九並據文獻通考收乾隆溫

州府志二十七並有○續文獻通考一百七十四有伊洛禮書補亡

續文獻通考一百七十四伊洛禮書補亡永嘉陳傳良著

雍正浙江通志二百四十四伊洛禮書補亡又伊洛遺禮文獻通考陳君舉集

案兩伊洛遺禮及禮書補亡陳文節作薛氏行狀蔡文懿作陳氏行狀並不載攷陳亮龍川集十四有伊洛禮書補亡序云吾友陳傳良君舉爲余言薛季宣士隆嘗從湖襄間所謂袁道潔者游道潔益及事伊川自言得伊洛禮書欲至蜀以授士隆士隆往候於蜀而道潔不果來道潔死無子不知其書今在何所伊川嘗言舊修六禮已及七分及被召乃止今更一二年可成則信有其書矣道潔之所藏近是惜其書之散亡而不可見也因集其遺書中凡參考禮儀而是正其可行者以爲伊洛禮書補亡又卷十六有書

伊洛遺禮後云伊洛遺禮其可見者惟婚與喪祭廡存其一二今以附諸補亡之後然則二書皆亮所撰文獻通考一百八十八錄此兩書亦不題陳薛二先生撰舊志蓋因序中述二先生語遂誤據收入通志又謂通考云陳君舉集尤誤今刪之

陳傅良高士送終禮

續文獻通考一百七十六○通志府縣志並未收

案高士送終禮蔡氏止齋行狀及史志書目並未見書名亦疑有奪誤續考經籍一門遠舛甚夥此條尤不可信今不據補入

呂大圭春秋傳或問五論

程端學春秋本義卷首○通志府縣志並未收

春秋本義春秋傳名氏永嘉呂氏大圭傳或問五論

案呂氏春秋或問春秋五論今並有傳本成德刻五論敘云宋吏部侍郎知興化軍武榮呂大圭所著圭叔高濱祐七年進士德祐初元知漳州軍屬元兵至沿海都制置蒲壽庚舉全州降被害又

云武榮卽今泉郡之南安縣唐嗣聖中嘗以縣爲武榮州故名圭
叔居縣之樸兜鄉大豐山下學者因號爲樸鄉先生今本春秋或
問卷端題進士溫陵呂大圭撰五論卷端題樸鄉先生溫陵呂大
圭述視穆方輿勝覽十二載泉州郡名有溫陵蓋流俗相沿之稱非古郡名也與成德敎合則大圭非
永嘉人審矣王廷望東嘉先哲錄十載大圭於名儒周樗庵慎江
文徵亦錄五論四十春秋說五十數條蓋竝爲程氏所誤今不據
補入

徐定春秋解十二卷

萬厯温州府志十七乾隆温州府志二十七並題徐德操

案徐知州定字德操雍正浙江通志乾隆温州府志乾隆永嘉縣
志寓賢傳並有傳府縣志又互見循吏傳本泉州晉江人寓永嘉萬厯府志
宦業傳誤爲立傳故春秋解亦箸於錄然水心文集十四徐德操
墓誌銘載所著書春秋解外尙有書社問荅二卷禮經疑難一卷

詩文崇孝同參錄諸書則又未載豈修志者未攷水心所作墓誌乎此志於僑寓名賢未入土箸者箸述例不收錄故並刪之

孔克表春秋本末三十卷

授經圖春秋四○通志府縣志並未收

案明史藝文志一春秋本末三十卷洪武中懿文太子命宮臣傅

藻等編

千頃堂書目二略同

不云孔克表箸克表洪武中與修羣經類要此

書或亦同纂故朱陸樸誤題其名也今不據補入

孔克表羣經類要

乾隆平陽縣志十九○乾隆溫州府志二十七作羣經要領誤

乾隆平陽縣志十九羣經類要明孔克表奉敕撰宋濂序

案宋濂朝京稿三恭題御製論語解二章後云右解論語二章乃皇上所親製以賜翰林修撰臣孔克表者洪武六年乃詔克表及御史中丞臣劉基秦府紀善臣林溫取諸經要言析爲若干類以恆言釋之又慮一二儒臣未達注釋之凡乃手釋二章以賜克表

俾取則而爲之克表等承詔釋四書五經以上詔賜名曰羣經類

要

千頃堂書目三乾隆平陽縣志十六文苑傳亦載其略

是羣經類要乃克表與林溫劉基

同奉詔編纂論語二章又繫太祖御製不得專屬之克表舊府縣志收之殊誤至平陽志經籍門又謂宋濂序是書文苑傳亦載宋序比之孔穎達云檢宋文憲集並無是敘而題御製論語解後末云昔唐之盛時太宗有志於教化而孔氏曰穎達者實率諸儒爲五經疏天下至今傳而誦之不廢今上開物牖民之心過於太宗而克表復爲諸儒首孔氏可謂世不乏人矣他日是書之傳將與穎達之疏無異云云則彼志所指卽係是跋誤以爲類要敘耳今刪其目并攷正其誤於此

陳傅良經筵孟子講義

經義考二百三十四○嘉慶瑞安縣志九據經義考收

經義考二百三十四陳氏傅良經筵孟子講義二篇存載止齋集

案經筵孟子講義見止齋文集二十八蓋慶元初以中書舍人兼侍講時所上然此非單行著述瑞安志誤據經義考收今刪之

劉黻中庸大學說二篇

經義考一百六十二○道光樂清縣志十一據經義考收

經義考一百六十二劉氏黻中庸大學說二篇存載蒙川集

案劉忠肅中庸大學說朱竹垞所見足本蒙川集有之今所傳蒙川遺稿四卷本已佚其文然此亦非單行著述樂清志誤據經義考收今刪之

劉黻中庸就正錄

經義考一百五十二○雍正浙江通志二百四十二乾隆温州府志二十七道光樂清縣志十一並據經義考收

案宋史四百五劉黻傳及劉應奎蒙川遺藁敘載忠肅所著書無中庸就正錄之目攷四朝聞見錄甲云考亭解中庸考亭之門人劉黻字季文號靜春乃大不取其師之說著爲就正錄萬斯同儒林宗派十載朱子門人亦有劉黻注其籍貫曰廬陵是作就正錄

者乃廬陵劉靜春其姓名與忠肅偶同耳且忠肅生宋季安得親

及朱子之門乎通志及府縣志誤仞爲一人遂據收入今刪之

劉敞格物說一卷

經義考一百六十一○雍正浙江通志二百四十二乾隆溫州府志二十七道光樂清縣志十一並據經義考

收

案格物說一書亦不見於宋史本傳及遺彙敘疑亦劉靜春所作

舊府縣志據經義考收入殊無塙證今刪之

呂溥大學疑問

千頃堂書目二補遼金元藝文志元史藝文志一○府縣志並未收

呂洙大學辨疑

千頃堂書目二補遼金元藝文志元史藝文志一○府縣志並未收

千頃堂書目二呂溥大學疑問呂洙大學辨疑永嘉人從兄弟也均學

於許謙

案雍正浙江通志二百七十六呂溥字公甫永康人從許謙究經旨悉

領其要嘗注大學疑問史論其詩文有竹溪集若干卷兄洙字宗

魯此以洙爲溥兄與黃目倪志不合未知孰是亦從許謙游箸有易圖說大學辨疑據

此是溥洙皆永康人千頃堂書曰康字偶誤爲嘉倪氏補遼金元

藝文志錢氏元史藝文志並襲其謬今不據補入

蔣允汶大學章旨 中庸詳說 四書纂類萬厯温州府志十七乾隆溫

志二十三○四書纂類乾隆府志類作要

案辨見尙書通考下千頃堂書目三元人書內複出蔣允汶四書

書目二卷義考一百五十七並有蔣文質大學通旨一卷文質據東甌詩集卽允汶通旨舊府縣志未收疑卽章旨之誤謹附識於此

潘翼爾雅釋 韻補萬厯温州府志十七雍正浙江通志二百四十二乾隆温州府志二十七道光樂清縣志十一並據萬厯

温州府志收

案潘處士翼雍正浙江通志文苑傳萬厯温州府志文學傳道光樂清縣志寓賢傳並有傳通志府志云其先青田徙樂清樂清志

則云青田人建炎間徙樂清攷梅谿前集一潘岐哥詩敘鶴溪先生聚徒於樂清之鹿巖既久因家焉先生名翼字雄飛與樂清志合通志府志誤也然樂清志雖入寓賢傳而經籍門仍收其著述則又與通志府志同誤今刪之校者案此下應有史部一行原案遺漏

戴仔非國語辨

乾隆永嘉縣志二十三

案戴守鏞非國語辨一篇見周樛菴慎江文徵六十一經義考二百九亦著錄然非單行著述永嘉志誤收今刪之

楊諱素王通史

千頃堂書目十〇雍正浙江通志二百四十四據書錄解題收乾隆永嘉縣志二十三有

案楊維禎序楊諱崑山郡志云崑山州楊才抱其先人履祥公所箸州乘謁余錢塘曰吾子與才系同出浦城文公十葉後幸惠一

言引諸首又云公所箸又有帝王圖辨素王道史

千頃堂書目作通史此作道史

疑字

姓氏通辨行於時公諱諱字履祥東溪老人其自號云是楊

諱本浦城人而徙居崑山者

千頃堂書目五楊諱朱著龜錄注本浦城人明初徙家太倉與秦玉袁華

爲友故今所傳本崑山郡志卷首題浦城楊諱纂也攷乾隆平陽縣志儒林傳楊諱字克明居南監作新婦戒楊氏族規蘆江鄉約發蒙備用是平陽之楊諱字克明與浦城之楊諱字履祥者不同舊府縣志誤仞爲一人遂將素王通史姓氏通辨帝王圖辨諸書並爲收入殊誤今刪之

陳謙謝修撰墓誌

直齋書錄解題七○雍正浙江通志二百四十四據書錄解題收乾隆永嘉縣志二十三有

直齋書錄解題七謝修撰行狀墓誌一卷昭武謝師稷移本行狀里人黃適景聲撰墓誌永嘉陳謙益之撰

案謝修撰墓誌爲陳易庵逸文書錄解題因有與黃氏行狀合刻單行本故箸於錄謝氏旣非溫人陳誌亦非箸述舊志收之殊誤今刪之

項喬董子故里志六卷

內閣書目 明史藝文志二千頃堂書目六〇雍正浙江通志二百四十四據內閣書目收乾隆溫

州府志二十七有

千頃堂書目六項喬董子故里志六卷嘉靖壬寅喬爲景州守修

案天一閣書目二之一董子故里志六卷李廷寶撰并序又項氏
甌東私錄二董子遺事志序略云某叨先生故里守嘗欲繼絕世
修故墓而苦無端緒景守李廷寶適志遺蹟遺文及先賢所嘗贊
記凡六卷而以序屬予予因識其大者以見羹牆仰止之意若故
里實在景州廣川鎮據此是董子故里志實景州守李廷寶所作
初名遺事志後改名故里志甌東特序其書耳且甌東嘗爲河間
府知府見李衛畿輔通志五十九而未嘗爲景州守內閣書目及
明藝文志千頃堂書目並因甌東作序誤以爲卽其所箸殊爲失
考通志及府縣志悉沿其誤今刪之

陳鳴鶴東越文苑傳六卷

明史藝文志二〇乾隆溫州府志二十七咸豐永嘉縣志二十並據尤侗明史藝文志彙收

案 四庫全書總目六十二東越文苑

無傳字

六卷明陳鳴鶴撰鳴

鶴字汝翔侯官人天崇間諸生福建通志稱其早棄舉業與徐燧兄弟共攻聲律是編紀閩中文人行實起唐神龍迄明萬厯爲四百十一篇攷乾隆府志十九明隆慶歲貢有永嘉陳鳴鶴與侯官之陳鳴鶴不同舊府縣志並誤今刪之

孔鐸昆陽孔氏世譜

乾隆平陽縣志十九

蔡立身上蔡宗譜

千頃堂書目十〇乾隆溫州府志二十七乾隆平陽縣志十九並有

案譜牒一門史志書目間有箸錄各集所載敘引亦甚多然宋元古帙今並無傳鄉曲家乘修纂分合不可殫紀故此志概不收載舊志所載止此二種今亦刪之

陳時敏溫厯

萬厯溫州府志十七乾隆溫州府志二十七嘉慶瑞安縣志九

案陳復心時敏萬厯温州府志隱逸傳嘉慶瑞安縣志方技傳並有傳縣志載其通經史賞玩後天圖及璿璣玉衡之說家設一石盤刻周天度於上自構巧法占之仍於高山平行處鑿竹爲圭冬夏測景夜則仰觀星辰次舍雖遲留伏逆之難齊者推算皆晰時司天厯法頒行多不驗閩浙間盡用其厯稱爲溫厯據志所言是時敏之書不過如今世民間通行之厯年選擇書以其與官厯不同故謂之溫厯不足以當著述舊府縣志收之殊誤今刪之

潘翼九域賦

萬厯溫州府志十七乾隆溫州府志二十七道光樂清縣志十一

案辨見前爾雅釋韻補下

無名氏甌閩傳一卷

乾隆溫州府志二十七據隋書經籍志收

案甌閩傳見隋書經籍志二舊府志因溫州爲古東甌故收其書然古之甌越統今浙東台溫處三府南極閩廣其地不廛溫州一

溫州經籍志

卷辨誤

上

府又太平御覽一百七十福州下引開元錄云閩州越地即古東

甌今建州亦其地

太平寰宇記引略同

太平寰宇記一百二建州建安縣又

載郡圖云縣東有古甌城漢吳王世子發兵圍東甌即此也

此說誤余

別有

據此是唐以前輿地書又有謂閩爲東甌者則甌閩傳或即

記閩事亦未可定府志收之殊無塙據今刪之

張叔椿建安志二十四卷

萬厯温州府志十七乾隆永嘉縣志二十三

案直齋書錄解題八建安志二十四卷刪定官郡人林光撰慶元

四年郡守永嘉張叔椿俾僚屬成之是此志本林光所撰張春卿

守建安令僚屬補成之非出春卿手纂舊志張叔椿撰殆未考書

錄解題今刪之

陳傅良長樂志四十卷

雍正浙江通志二百四十四嘉慶瑞安縣志九並據書錄解題收乾隆温州府志二十七有

案直齋書錄解題八長樂志四十卷府帥清源梁克家叔子撰淳

熙九年序時永嘉陳傅良君舉通判州事大略皆出其手

又卷五長樂財

賦志下云往在鄞學訪同官薛師雍子然凡間有書一編大略述三山一郡財計而累朝詔令申明沿革甚詳問所從得薛日外舅陳止齋修圖經時欲以爲財賦一門後緣

卷帙多不果亦卽指止齋修長樂志時事然則止齋雖與編輯之

列而總其成者實繫府帥梁克家故宋史藝文志三亦載梁克家

長樂志四十卷不題止齋名也且此志卽所謂淳熙三山志今世

尙有流傳鈔本其書首載梁氏自序云予領郡暇日訪無諸以來

遺跡故俗追維往昔之事不可復記常以爲恨乃約諸里居與仕

於此者相與纂集則是時纂集者亦不第止齋一人曹叔遠敘止

齋集倘載箸述之目亦不數此書非遺漏也舊志誤收今刪之

陳峴清湘志六卷

萬曆温州府志十七乾隆平陽縣志十九

案直齋書錄解題入清湘志六卷郡守永嘉陳峴壽南俾教授林

瀛修嘉泰二年也據此是清湘志乃林瀛所修陳東齋時爲郡守

特主其事耳舊志輒題陳修殊誤今刪之

林棐桐汭新志

江南通志百十八○通志府縣志並未收

江南通志百十八林棐紹定四年知廣德軍公餘輯桐汭新志二十卷

案林棐字功輔平陽人宋嘉定戊辰進士見乾隆府志十九及其

子季熹所書壙誌

原石在泰順林氏余見其錄本

直齋書錄解題八桐汭新志二

十卷教授錢塘趙子直撰紹定五年也太守林棐序是此書爲趙

子直所撰棐特爲作敘耳江南通志誤以爲棐作今不據補入

項公澤玉峯志

續文獻通考一百七十八○通志府縣志並未收

續文獻通考一百七十八玉峯志項公澤宰崑山修

案南坡項郎中公澤萬厓温州府志宦業傳嘉慶瑞安縣志循吏

傳並有傳所刊酒祐玉峯志十卷今有傳鈔本卷尚題陽羨凌萬

頃陳畱邊實撰未有酒祐壬子公澤跋亦云直學凌君掌儀邊君

摻訪撥拾俄及瓜懼失其傳姑鋟諸梓以俟方來是玉峯志編輯
悉出凌邊二人手公澤特爲刊布耳續考誤以爲公澤所修今不
據補入

楊謫帝王圖辨

乾隆平陽縣志十九

案辨見前素王通史下

何文淵牧民備用三卷

萬厯溫州府志十七乾隆溫州府志二十七

案何文淵江西廣昌人明史一百八十三附其子喬新傳宣德五
年用顧佐薦賜敕知溫州府此書蓋其知溫州時所作明史藝文
志二亦載之三卷明志作一卷然文淵既係郡守此書又非紀錄溫事志
乘不宜載入今刪之

子部

袁采袁氏世範

乾隆溫州府志二十七道光樂清縣志十一

溫州經籍志

卷辨誤

案 四庫全書總目九十二袁氏世範三卷宋袁采撰案衢州府志采字君載信安人登進士第三宰劇邑以廉明剛直稱仕至監登聞鼓院陳振孫書錄解題稱采嘗宰樂清修縣志十卷是編卽其在樂清時所作分睦親處已治家三門題曰訓俗府判劉鎮爲之序始更名世範是采書雖作於樂清而意存訓俗本非地理之書今取原書覈之亦無一事涉樂清者舊府縣志收之殊誤今刪之

林武朱子語錄

萬厯温州府志十七雍正浙江通志二百四十五乾隆温州府志二十七乾隆

包定池州語錄

雍正浙江通志二百四十五乾隆温州府志二十七乾隆永嘉縣志二十三

案朱子語錄宋代傳本至夥黎靖德編語類卷首列記錄姓氏凡

九十七家永嘉諸弟子則葉賀孫

黎注字味道括蒼人居永嘉辛亥以後所聞

一 徐寓

字居父永嘉人庚戌以後所聞徐容字仁父永嘉人辛亥以後所聞

池錄二十二十一僞錄四十六

錢木之

字子山晉陵人寓永嘉沈側字莊仲永嘉人戊午所聞

四十

蔡懇字行夫平陽人壬子

六人也黎書采摭詳博絕無遺漏

而並無林武包定所記且池州語錄爲嘉定乙亥李道傳所集

井研人宋史儒林傳六有傳

黎書載道傳自敘明白可據塙非包定所編此二

書皆不足信舊府縣志收之殊爲失考今刪之

史浩童卯須知三卷

乾隆溫州府志二十七據宋史藝文志收

案四庫全書總目一百五十九鄭峯真隱漫錄五十卷宋史浩

撰末二卷爲童卯須知分三十章所言皆治家修身之道而諧以

韻語自署辛丑爲淳熙八年蓋其罷官以少傅侍經筵時所著云

據此是此書亦史直翁所著舊志誤收今刪之

劉黻太極說一篇

經義考七十一。道光樂清縣志十一據經義考收

經義考七十一劉氏黻太極說一篇存載蒙川集

溫州經籍志

卷辨誤

案此亦蒙川逸文今本遺橐不載與前中庸大學說並非著述樂清志誤收今刪之

戴亨近思錄補注

乾隆温州府志二十七據台海源流收

案金賁亨台學源流六戴蠡翁名亨字子元臨海人所著有太極圖說人心道心說近思錄補注朱子詩解北溪字義辨正據此是亨乃台州臨海人與温州無涉舊府志收其著述殊誤至所引台海源流考各家書目並無其書蓋亦卽台學源流之誤今考正刪之

陳茂烈克省錄

靜思錄

嘉慶瑞安縣志九

案陳御史茂烈明史儒林傳二嘉慶瑞安縣志儒林傳並有傳明史作莆田人瑞安縣志則云世居嘉嶼鄉大坑山祖以軍功注籍福建興化衛總旗父善祥早卒茂烈髫年往承父役其所載似非

妄爲牽合然茂烈祖注福建軍籍至茂烈已三世僑寓旣久已爲土著不當仍繫瑞安故明史本傳及明儒學案六儒林宗派十載茂烈籍貫並云莆田不云瑞安舊志收之殊誤今刪之

陳傅良備邊十策

續文獻通考一百七十九○通志府縣志並未收

案備邊十策蔡文懿作止齋行狀紀其著述至詳然不載是書宋以來書目亦未見檢宋史藝文志六於陳傅良漢兵制一卷下漢制卽歷代兵制之殘本附載備邊十策九卷蓋十策本不出止齋詳十三卷史部政書類手宋志著錄偶綴兵制之後而失其撰人王氏遂誤蒙上讀之以爲亦止齋所著耳今不據補入

戴溪會稽兵家術

續文獻通考一百七十九○通志府縣志並未收

案宋藝文志六有會稽兵術三卷又會稽兵家術日月占一卷並不著撰人王氏續考所載殆卽是書然以爲戴文端所著則不知

何據各志書目亦並未載今不據補入

虞搏方脈發蒙六卷

雍正浙江通志二百四十七乾隆温州府志二十七
據萬厓温州府志收

案虞搏方脈發蒙萬厓温州府志藝文門未載考千頃堂書目十四虞搏醫學正傳下注字天民義烏人能詩有百字吟半齋稿雍正浙江通志人物門金華府方技傳亦載虞搏字天民攻醫精於脈理著有醫學正傳方脈發蒙行於世至經籍門方脈發蒙下乃引萬厓温州府志而注中仍作義烏人蓋所引係萬厓金華府志校錄不審誤書温州耳乾隆府志不考輒據箸錄可謂疏矣今刪之

潘翼星圖證驗

萬厓温州府志十七乾隆温州府志二十七道光樂清縣志十一

案辨見前爾雅釋韻補

陶弘景刀劍錄

嘉慶瑞安縣志九

案陶弘景梁書處士傳南史隱逸傳下並云丹陽秣陵人乾隆溫

州府志嘉慶瑞安縣志同以嘗寓瑞安故縣志誤收其著述今刪

之東甌詩集一錄弘景詩亦誤

鄭景望蒙齋筆談雍正浙江通志二百四十六據焦氏經籍志收乾隆溫州府志二十七乾隆永嘉縣志二十三並有

案四庫全書總目一百二十七蒙齋筆談二卷舊本題宋鄭景

望撰商濬刻之稗海中厲鶚宋詩紀事亦曰景望湘山人朱元豐

元祐間有蒙齋筆談案見宋詩紀事二十一今考其書乃全錄葉夢得巖下

放言之文但刪其十分之三四而顛倒其次序濬蓋誤刻偽本今

以商濬稗海所刻本與巖下放言藪之總目之言良是舊通志府

縣志並誤收今刪之

周達觀誠齋雜記二卷千頃堂書目十二補遺金元藝文志元史藝文志三雍正浙江通志二百四十六據黃目收乾隆溫

州府志二十七乾隆永嘉縣志二十三並有

案 四庫總目一百三十一誠齋雜記二卷

元史藝文志三舊本作二十卷誤

題元林坤撰前有永嘉周達觀序稱坤字載卿會稽人曾官翰林所著書凡十二種此乃其一誠齋坤所自號也考毛晉津逮祕書本誠齋雜記卷首亦載周序與總目所稱合黃倪錢三書因達觀作序遂誤以爲達觀所著舊通志府縣志竝同其謬今刪之

楊諱姓氏通辨

雍正浙江通志二百四十四據九個明史藝文志收乾隆温州府志二十七乾隆平陽縣志十九並有

案辨見前素王通史下

孫希旦校訂玉海二百卷

嘉慶瑞安縣志九

案孫編修所校玉海乃乾隆間充

武英殿分校官時校寫四

庫全書之本

詳家大人敬軒先生行述

與校定刊行之書不同瑞安志收之殊

誤今刪之

釋有旗重編天台諸文類集十二卷

乾隆温州府志二十七

案雍正浙江通志二百四十六重編天台諸文類集十二卷四明釋如吉編熙寧四年東嘉釋有旗序是作此書者爲四明釋如吉有旗特爲作序耳舊志竟以此書爲有旗編殊誤今刪之

釋啓元太初語錄

乾隆溫州府志二十七據萬厓志收乾隆永嘉縣志二十三作三卷

案釋啓元乾隆溫州府志仙釋傳有傳作啓原云日本人吳元年航海入中國洪武丙寅入安固抵石山遂駐錫焉是啓元乃倭產舊志收其著述殊誤今刪之

釋並學三境圖論

乾隆溫州府志二十七

案雍正浙江通志二百四十六亦載此書注引徐一夔序云釋並學撰自號無爲子台磐石人王杭淨性寺據此則並學乃台州人舊府志收其著述殊誤今刪之

釋超智語錄一卷

嘉慶瑞安縣志九據仙巖寺志收

案釋超智嘉慶瑞安縣志仙釋傳有傳引王錫珩天目塔銘

錫珩永嘉

人乾隆溫州府志孝友傳有傳原作世珩誤今正之

云松江青浦李氏子順治初抵仙巖住

持仙巖寺則超智本非溫產其著述不宜收入地志今刪之

陶弘景真誥二十卷

嘉慶瑞安縣志九〇舊厯溫州府志十七作真誥集誤

案辨見前刀劍錄下

集部

崔道融東浮集

乾隆溫州府志二十七據文獻通考收

案崔道融雍正浙江通志乾隆溫州府志寓賢傳並有傳本荆南

人以徵辟爲永嘉令後避地入閩依王審知

見吳任臣十國春秋十五通志府志所載

殊直齋書錄解題十九載東浮集九卷自稱東甌散人乾寧乙卯

永嘉山齋編成

文獻通考二百四十三亦載陳錄卽府志所據也

蓋道融編寫此集適在

永嘉其書實與溫州無涉府志收之殊誤

又案東甌續集一亦錄道融詩十篇注云道融唐人宦遊於此遂爲永嘉人據十國春秋則道融晚年依王審知而卒並未爲永嘉人續集所載亦誤

倪濤玉谿集二十二卷直齋書錄解題十七○雍正浙江通志二百四十八乾隆温州府志二十七乾隆永嘉縣志二十三並據書錄解題收爲麻溫州府志十七有

直齋書錄解題十七玉谿集二十二卷左司員外郎永嘉倪濤巨濟撰其父始徙居廣德濤大觀三年進士燕山之役誦言其非以阻軍罷謫衡州茶陵以死年三十九呂居仁誌其墓曾吉父爲作集序

案倪濤王偁東都事略文載傳下宋史文苑傳六並作廣德軍人蓋其父徙廣德至巨濟已爲土著書錄解題題永嘉者據其舊貫言之耳舊志人物傳不載其人而經籍門仍錄玉谿集曾氏東甌詩存一亦錄其詩三首注云著有玉谿集並爲失考今刪之

案胡氏六檜堂集通志舊府縣志並未收湯氏永嘉志彙藝文錄始簪於錄又增載黃淮序其文見明刻黃介庵集九目作題六檜堂卷略云胡衷溫之永嘉人當宋運中微屏處華蓋山中讀書自娛忿秦檜之誤國遂於堂堦之下手植檜六本揭其扁曰六檜蓋以六之音與戮同於以識夫檜之罪當顯戮冀他日得以酬其素願云耳後雖一出竟以奸權妒嫉僅至滁陽通判而止徒使空言與國風楚騷同傳於編簡良可悲夫九世孫鏞東甌先正文錄入作鍾誤下同衷集成卷鏞之子與復求士大夫詩文以彰厥美陳氏東甌文錄載此文改爲六檜堂集序湯氏遂據補入考慎江文徵三十三有劉現六檜堂詩序亦云趙宋炎紹之際勢將興復秦檜身自虜歸力主和議滁州通判永嘉胡君衷方讀書華蓋山中乃手植六檜於

堂下日以戮檜爲事可謂尙志之士矣其九世孫鏞能紀作堂本
末仍以三山陳君叔起所爲圖廬陵鄒君公瑾所爲篆書裝潢成
卷學士大夫爭爲咏歌其事云云互相校驗黃劉二人所題序者
蓋胡鏞所紀作堂始末及後人題咏詩文並非滁州遺集黃題所
成卷者集與人同
非指詩文集也湯氏未見介庵集故不知陳錄之誤今刪之
又案黃文簡題詞劉朝紳詩序並以植六檜名堂爲胡襲事載其
官並云滁州通判然考止齋集胡少賓墓誌云胡氏繇婺徙溫至
荆湖制置司幹辦公事君諱襲通判滁州君諱裒宗正少卿君諱
襄兄弟始著滁州君初讀書天慶觀故相秦公在永嘉聞其名出
不意杖策來覘之君方讀孟子書不爲輟也秦因誦宋句踐一章
以感諷君君訖其去如初旦日且不還謁秦公再相有以君爲薦
者曰是固以三顧望人者耶滁州竟官不達死幹辦君以布衣從

大將岳飛定羣盜僅得官以死少卿稍貴亦坐言者謂胡寅趙鼎

之學擴十餘年不用

止齋文集四十七

則襄官湖北制置司幹辦公事不

爲滁州通判爲滁州通判者乃襄弟衷也萬厯温州府志選舉門

載宋紹興乙卯汪應辰榜進士胡衷湖北制幹與止齋集合而宦

業傳又載胡襄兄衷字仲穎嘗直言忤秦檜終滁州倅

乾隆温州府志選舉

人物兩

門並同則又與黃跋相同蓋胡氏兄弟官秩論異相承已久然止

齋爲胡少賓誌墓當必据其家行狀足爲徵據湯氏咸豐永嘉縣

志彙藝文錄雖誤載六檜堂集而姓名則不謬後之重修志乘者

所當據止齋集考正之也

林湜盤隱類彙十卷

雍正浙江通志二百四十八乾隆温州府志二十七並據隆慶平陽縣志收乾隆平陽縣志十九有

案葉適中奉大夫直龍圖閣司農卿林公墓誌銘公諱湜字正甫

福州長谿人公晚而居平陽松山溫福之間也

水心文集十九據此是湜

本貫長谿晚乃僑居平陽舊志收其著述殊誤今刪之

黃希聲看雲詩

浩然齋雅談中。通志府縣志並未收

浩然齋雅談中黃文雷字希聲永嘉人有看雲詩不行於世

案宋詩紀事六十九黃文雷盱江人有看雲小集宋本中興江湖詩集看雲小集卷首亦題盱江黃文雷希聲卽厲氏所本浩然齋雅談作永嘉人蓋偶誤憶東甌詩存據錄文雷詩五篇殊爲失考今不據補入

俞德鄰佩章齋文集十六卷

雍正浙江通志二百四十八乾隆温州府志二十七乾隆永嘉縣志二十三

案辨見前佩章齋輯聞詩說下

東甌詩存十亦錄俞德鄰詩十篇注云有佩章齋集亦沿舊志之誤

盧摯疎齋集

乾隆永嘉縣志二十三

案元詩選三集乙盧承旨摯字處道一字莘老號疎齋涿人至元五年進士博洽有文思累遷江東道廉訪使入爲翰林學士遷承

旨卒箸有疎齋集據此是盧疎齋乃涿州人乾隆溫州府志乾隆
永嘉縣志文苑傳別載盧摯字處道永嘉人善詩文與高明齊名
其字與疎齋同疑卽一人志乘相沿誤載耳慎江文徵二十五亦
載盧摯文益亦爲舊志載疎齋集所誤今刪之

周頤眞洞浮老人集

萬厯溫州府志十七雍正浙江通志二百四十八乾隆溫州府志二十七乾隆永嘉縣志二十三

案周道士頤眞雍正浙江通志乾隆溫州府志乾隆永嘉縣志仙
釋傳並有傳其籍貫通志云永嘉人府縣志則云閩福清人至元
丙子徙居永嘉當非無据其集諸志經籍門並誤收今刪之

張昌存齋文集一卷

雍正浙江通志二百四十八據百川書志收乾隆溫州府志二十七乾隆平陽縣志十九並有

百川書志十二存齋文集一卷平陽張思廣箸

案千頃堂書目十七張昌存齋文集一卷臨汾人元進士洪武二
年聘至禮局議禮授國子助教授皇太子經又爲經筵講官尋致

仕徐泰皇明風雅詩人名氏亦云臨汾人據此則昌乃山西臨汾人百川書志題平

陽者臨汾在明為平陽府屬縣明史地理志二臨汾縣屬山西平陽府非温州平陽

縣人也舊志收之殊為失考今刪之

陳雷竊菴集乾隆温州府志二十七乾隆永嘉縣志二十三

案列朝詩集甲集前編十陳雷字公聲嘉興人秀民之子有竊菴

集皇明風雅詩人名氏亦作嘉興人蓋秀民僑居嘉興其子曰簪籍於彼温州即

不宜收其著述今刪之東甌詩存十二亦錄陳雷詩十首與府縣志誤同

蔣允汶蒼巖先生文集萬厯温州府志十七乾隆永嘉縣志二十三。乾隆温州府志二十七作蒼巖文集

案辨見前尚書通考下

季復初月泉稿乾隆温州府志二十七據嘉靖通志收

案月泉季處士復初乾隆温州府志嘉慶瑞安縣志隱逸傳並有

傳本衢州龍游人避兵遷瑞安當入流寓傳舊府縣志載入人物

傳又收其著述於經籍殊誤今刪之

鮑原弘恕菴集

萬縣溫州府志十七乾隆溫州府志二十七道光樂清縣志十一

乾隆溫州府志二十七恕菴集鮑原弘著樂清人徙永嘉道光樂清縣志十一案原弘黃巖人官樂清訓導府志稱其徙居永嘉未詳所據

案朱希晦雲松巢集卷首載原弘敘自題迪功郎伊府紀善天台鮑原弘萬姓統譜十四亦載鮑原弘名仁濟以字行洪武間以薦授樂清訓導永樂初陞伊府紀善與樂清志所載合舊府志謂樂清人徙永嘉殊誤今刪之

高遜志齋菴遺稿

乾隆溫州府志二十七

案高侍郎遜志乾隆溫州府志道光樂清縣志寓賢傳並有傳本

蕭縣人徙居嘉興靖難後死永嘉山中

見明詩綜十六舊府縣志本之列朝詩集甲集十五

云河南人元末僑居嘉興徙吳門未知孰是

府志經籍門誤收其集今刪之

鄭澐直正齋集

乾隆溫州府志二十七道光樂清縣志十一

案東甌詩集七亦錄鄭澐詩二篇云字起深號直正齋先黃巖人被薦任樂清縣學訓導

明詩綜十四千頃堂書目十七略同

舊志載直正齋集亦沿

詩集之誤今刪之

姚汝循錦石山齋集二十四卷

雍正浙江通志二百五十乾隆溫州府志二十七並據黃目收乾隆永嘉縣志二十

三有

案千頃堂書目二十四姚汝循錦石山齋集二十四卷注字敘卿

錦衣衛籍上元人大名知府謫嘉州知州

明詩綜四十四亦云上元人

雍正浙

江通志經籍門引黃目作永嘉人蓋所見偶繫誤本遂據著錄府縣志悉沿其謬今刪之

温州經籍志辨誤終

餘杭鄒守拙校